

186
1992



ISSN—0132—4241

132

1-2



საქართველოს რესპუბლიკის მინისტრთა კაბინეტის დადგენილებათა კრებული

№ 1

იანვარი—თებერვალი

1992 წ.



საქართველოს რესპუბლიკის მინისტრთა კაბინეტის დადგენილებათა კრებული

№ 1

იანვარი—თებერვალი

1992 წ.

შინაარსი

1. საქართველოს რესპუბლიკის საბიუჯეტო დაწესებულებების მუშაობის შრომის ანაზღაურების სრულყოფისა და უმაღლესი და საშუალო სპეციალური სასწავლებლების სტუდენტთა და მოსწავლეთა სტიპენდიების გადიდების შესახებ.
2. ფასების ლიბერალიზაციის პირობებში საქართველოს რესპუბლიკის მოსახლეობის სოციალური უზრუნველყოფის გაუმჯობესების დამატებითი ღონისძიებების შესახებ.
3. სახელმწიფო ხელისუფლებისა და მმართველობის ორგანოების მასობრივი ინფორმაციის საშუალებათა შესახებ.
4. „შოქალაქეთა პოლიტიკური გაერთიანებების შესახებ“ საქართველოს რესპუბლიკის კანონის მოქმედების თაობაზე.
5. საქართველოს რესპუბლიკის მინისტრთა კაბინეტის ორგანოს — ყოველკვირეული გაზეთის „რესპუბლიკის“ გამოცემის შეწყვეტის შესახებ.
6. საქართველოს რესპუბლიკის კონტროლის სახელმწიფო კომიტეტის გაუქმების შესახებ.
7. საქართველოს რესპუბლიკაში სახელმწიფო უმაღლესი სასწავლებლის შესახებ.
8. ელექტროენერჯის ტარიფების მოწესრიგების შესახებ.
9. საქართველოს რესპუბლიკაში სასოფლო-სამეურნეო დანიშნულების მიწის რეფორმის შესახებ.
10. დროებითი პოლიტიკური საკონსულტაციო საბჭოს შექმნის შესახებ.

11. საქართველოს რესპუბლიკის მიწის რესურსებისა და მიწის რეფორმის სახელმწიფო მიტეტის შექმნის შესახებ
12. საქართველოს რესპუბლიკის ფარგლებს გარეთ ზოგიერთი სახის ნედლეულის, სასურსათო და სამრეწველო საქონლის გატანის რეგულირების შესახებ საქართველოს რესპუბლიკის მინისტრთა კაბინეტის მიერ მიღებული დადგენილებების მოქმედების ვადის გაგრძელების და ცვლილებების შეტანის თაობაზე.
13. საქართველოს რესპუბლიკის კავშირგაბმულობის საშუალებებით მომსახურების ტარიფების გადიდების შესახებ.
14. „საქშავზღვათევზდაცვის“ სამმართველოს და საქართველოს შავი ზღვის სარეწაო ნავსადგურების „პორტის კაბინის“ სამსახურის საქართველოს რესპუბლიკის შინაგან საქმეთა სამინისტროს დაქვემდებარებაში გადაცემის შესახებ.
15. საქართველოს სახელმწიფო საგუნდო კაპელისათვის ნიკო სულხანიშვილის სახელის მიკუთვნების შესახებ.
16. ეკონომიკური რეფორმის მართვის ორგანიზაციის სრულყოფის შესახებ
17. საქართველოს რესპუბლიკაში ბიზნის პრივატიზაციის (უსასყიდლოდ გადაცემის) შესახებ
18. საქართველოს რესპუბლიკაში აგროსამრეწველო კომპლექსის მართვის სრულყოფის შესახებ.
19. ადგილობრივი მმართველობის დროებითი ორგანოს შექმნის შესახებ.
20. საქართველოს რესპუბლიკაში სასოფლო-სამეურნეო დანიშნულების მიწების რეფორმის შესახებ საქართველოს რესპუბლიკის მინისტრთა კაბინეტის 1992 წლის 18 იანვრის № 48 დადგენილების პრაქტიკული განხორციელების ამატებით ღონისძიებათა თაობაზე.
21. საქართველოს რესპუბლიკის ტერიტორიაზე საწარმოს (სამეურნეო ამხანაგობისა და საზოგადოების), ფილიალის რეგისტრაციის წესში ცვლილებათა შეტანის შესახებ.
22. საქართველოს რესპუბლიკაში საგარეო ეკონომიკური საქმიანობის რეგულირების შესახებ.
23. სატრანსპორტო კომპლექსში ტარიფების მოწესრიგების შესახებ,
24. საქართველოს რესპუბლიკის სოფლისა და სატყეო მეურნეობის სამინისტროს შესახებ.
25. საქართველოს რესპუბლიკის ინფორმაციის სამინისტროს შესახებ.
26. საქართველოს რესპუბლიკის სახელმწიფო საბაჟო დეპარტამენტის შექმნის შესახებ.
27. მეცნიერებისა და ტექნიკის დარგში სახელმწიფო პრემიების მინიჭების ვადის გაატანის შესახებ.
28. საქართველოს რესპუბლიკის მინისტრთა კაბინეტის 1991 წლის 6 დეკემბრის № 914 დადგენილების მე-5 პუნქტის ძალადაკარგულად ჩათვლის შესახებ.
29. საქართველოს რესპუბლიკის მინისტრთა კაბინეტის 1991 წლის 11 ნოემბრის № 849 დადგენილების ნაწილობრივ შეცვლის შესახებ.
30. საქართველოს რესპუბლიკის სპორტისა და ტურიზმის სამინისტროს რესპუბლიკური სახელმწიფო კორპორაცია „ინტერსპორტლოტოს“ შექმნის შესახებ.
31. საქართველოს რესპუბლიკის ეკოლოგიისა და ბუნებათსარგებლობის სამინისტროს სახელწოდებების შეცვლის შესახებ.
32. კოლხეთის სახელმწიფო საზღვაო ნაკრძალების და მდინარე რიონის სახელმწიფო აღკვეთილის შექმნის შესახებ.
33. სახელმწიფო საწარმო — ფირმა „საქწყალმშენის“ შესახებ.



2 შესახებ ლიბერალიზაციის პირობებში საქართველოს რესპუბლიკის მოსახლეობის სოციალური უზრუნველყოფის გაუმჯობესების დამატებითი ღონისძიებების შესახებ

საქართველოს რესპუბლიკაში საპენსიო რეფორმის ეტაპობრივი განხორციელების და საბაზრო ეკონომიკაზე გადასვლის პირობებში საქართველოს რესპუბლიკის საპენსიო უზრუნველყოფისა და საქართველოს რესპუბლიკის ზიჯეტის შესახებ კანონების მიღებამდე მოსახლეობის სოციალური უზრუნველყოფის გაუმჯობესების მიზნით საქართველოს რესპუბლიკის მინისტრთა კაბინეტი ადგენს:

1. პენსიების დანიშვნა, გადაანგარიშება და გაცემა მოხდეს იმავე ნორმებითა და წესებით, რაც მოქმედებდა 1992 წლის 1 იანვრამდე.

2. 1992 წლის 15 იანვრიდან ყველა სახის პენსია და დახმარება გადიდდეს ასი პროცენტით.

3. ხელფასების, სტიპენდიების, პენსიების და დახმარებების ასი პროცენტით გადიდებასთან დაკავშირებით გაუქმდეს დღემდე მოქმედი ყველა სახის კომპენსაცია.

4. 1992 წლის 15 იანვრიდან დროებით განესაზღვროთ სახელმწიფო სოციალური დაზღვევის შენატანების ტარიფები:

საწარმოებს, დაწესებულებებსა და სხვა სახელმწიფო და საზოგადოებრივ ორგანიზაციებს, კოოპერატივებს; კოლმეურნეობებს, ყველა თურბიული პირის უფლების მქონე სახელმწიფო სოციალური დაზღვევის შენატანების გადახდელებს (დამზღვევებს), მეურნეობრიობისა და საკუთრების ფორმის მიუხედავად, დამქირაველებს (სამუშაოდ მოწვეულ ცალკე პირებზე), მოქალაქეებს, რომლებიც ინდივიდუალურ შრომით საქმიანობას ეწევიან, მათ შორის ინდივიდუალური (ჯგუფური) იჯარით ან კერძო გლეხურ მეურნეობაში მომუშავეებს — 37 პროცენტის ოდენობით;

ინდივიდთა და პენსიონერთა საზოგადოებრივ ორგანიზაციებს, მათსავე საწარმოებს, დაწესებულებებს, გაერთიანებებსა და სასწავლებლებს — 10 პროცენტის ოდენობით.

საქართველოს რესპუბლიკის
პრემიერ-მინისტრის
მოვალეობის შემსრულებელი

თ. სიგუა

საქართველოს რესპუბლიკის
მინისტრთა კაბინეტის
სახელმწიფო კანცელარიის
მმართველის მოვალეობის
შემსრულებელი

ბ. ბერიძე



3 სახელმწიფო ხელისუფლებისა და მმართველობის ორგანოების მასობრივი ინფორმაციის საშუალებათა შესახებ

სახელმწიფოს მიერ მასობრივი ინფორმაციის საშუალებათა მონოპოლიზაციის აღკვეთისა და პრესის თავისუფლების უზრუნველყოფის მიზნით საქართველოს რესპუბლიკის მინისტრთა კაბინეტი ადგენს:

1. სახელმწიფო ხელისუფლებისა და მმართველობის ორგანოების კუთვნილი პრესის საშუალებები გამოცხადდეს პრესის დამოუკიდებელ ორგანოდ.
2. „პრესისა და მასობრივი ინფორმაციის სხვა საშუალებათა შესახებ“ საქართველოს რესპუბლიკის 1991 წლის 10 აგვისტოს კანონის შესაბამისად მოხდეს ამ დადგენილების 1-ლ პუნქტში აღნიშნული პრესის საშუალებების დფუძნება და სათანადო ორგანოებში რეგისტრაცია.

საქართველოს რესპუბლიკის
პრემიერ-მინისტრის
მოვალეობის შემსრულებელი

თ. სიგუა

საქართველოს რესპუბლიკის
მინისტრთა კაბინეტის
სახელმწიფო კანცელარიის
მმართველის მოვალეობის
შემსრულებელი

ბ. ბერიძე

ქ. თბილისი, 1992 წ. 14 იანვარი, № 18

4 „მოქალაქეთა პოლიტიკური გაერთიანების შესახებ“ ახპარ-თველოს რესპუბლიკის კანონის მოქმედების თაობაზე

საქართველოს რესპუბლიკის მინისტრთა კაბინეტი აღნიშნავს, რომ საქართველოს რესპუბლიკის 1991 წლის 10 აგვისტოს კანონი „მოქალაქეთა პოლიტიკური გაერთიანებების შესახებ“, რომელიც არეგულირებდა პოლიტიკური პარტიების შექმნისა და ფუნქციონირების საკითხებს და ქმნიდა პოლიტიკური პარტიების ორგანიზაციულ-სამართლებრივ გარანტიებს, უსაფუძვლოდ იქნა შეჩერებული საქართველოს რესპუბლიკის უზენაესი საბჭოს 1991 წლის 1 ნოემბრის დადგენილებით.

იმისათვის, რომ მოქალაქეთა პოლიტიკურ გაერთიანებებს შეექმნათ სათანადო პირობები თავიანთი პროგრამითა და წესდებით გათვალისწინებული ფუნქციების განხორციელებისათვის, აგრეთვე სახელმწიფო ხელისუფლების წარმომადგენლობითი ორგანოების არჩევნებში მონაწილეობისათვის, საქართველოს რესპუბლიკის მინისტრთა კაბინეტი ადგენს:

1. გაუქმდეს საქართველოს რესპუბლიკის უზენაესი საბჭოს 1991 წლის 1 ნოემბრის დადგენილება „მოქალაქეთა პოლიტიკური გაერთიანებების შესახებ“ საქართველოს რესპუბლიკის კანონის მოქმედების დროებით შეჩერების თაობაზე.

2. საქართველოს რესპუბლიკის იუსტიციის სამინისტრო შეუდგეს პოლიტიკური პარტიების რეგისტრაციას „მოქალაქეთა პოლიტიკური გაერთიანებების შესახებ“ საქართველოს რესპუბლიკის კანონის შესაბამისად.

საქართველოს რესპუბლიკის
პრემიერ-მინისტრის
მოვალეობის შემსრულებელი

თ. სიგუა

საქართველოს რესპუბლიკის
მინისტრთა კაბინეტის
სახელმწიფო კანცელარიის
მმართველის მოვალეობის
შემსრულებელი

ბ. ბერიძე

5 საქართველოს რესპუბლიკის მინისტრთა კაბინეტის ორგანოს
 — ყოველკვირეული გაზეთის „რესპუბლიკის“ გამოცემის შე-
 წვების შესახებ

საქართველოს რესპუბლიკის მინისტრთა კაბინეტი ა დ გ ე ნ ს:

1. შეწყდეს ყოველკვირეული გაზეთის „რესპუბლიკის“, როგორც საქარ-
 თველოს რესპუბლიკის მინისტრთა კაბინეტის ორგანოს გამოცემა 1992 წლის
 15 იანვრიდან. ამასთან დაკავშირებით ძალადაკარგულად ჩაითვალოს საქარ-
 თველოს რესპუბლიკის მინისტრთა საბჭოს 1990 წლის 31 მარტის № 143 დად-
 გენილება.

2. საქართველოს რესპუბლიკის მინისტრთა კაბინეტის სახელმწიფო კან-
 ცელარიამ (გ. ბერიძე) უზრუნველყოს გაზეთის გამოცემის შეწყვეტასთან და-
 კავშირებული საკითხების მოგვარება კანონით დადგენილი წესის შესაბამისად.

საქართველოს რესპუბლიკის
 პრემიერ-მინისტრის
 მოვალეობის შემსრულებელი

თ. სიგუა

საქართველოს რესპუბლიკის
 მინისტრთა კაბინეტის
 სახელმწიფო კანცელარიის
 მმართველის მოვალეობის
 შემსრულებელი

გ. ბერიძე

6 საქართველოს რესპუბლიკის კონტროლის სახელმწიფო კომიტეტის გაუქმების შესახებ

რესპუბლიკის ეკონომიკის საბაზრო ურთიერთობებზე გარდამავალ პერიოდში სამეწარმეო საქმიანობისადმი სახელმწიფო კონტროლის ფუნქციების შემდგომი შეზღუდვისა და საკონტროლო ფუნქციების მქონე სახელმწიფო ინპარტველობის ზედმეტი და პარალელურად მოქმედი რესპუბლიკური ორგანოების შემცირების მიზნით საქართველოს რესპუბლიკის მინისტრთა კაბინეტი ადგენს:

1. გაუქმდეს საქართველოს რესპუბლიკის კონტროლის სახელმწიფო კომიტეტი.

2. საქართველოს რესპუბლიკის კონტროლის სახელმწიფო კომიტეტის გაუქმებასთან დაკავშირებით შეიქმნას სალიკვიდაციო კომისია კონტროლის სახელმწიფო კომიტეტის თავმჯდომარის მოადგილის მ. პ. ჩიქვილაძის თავმჯდომარეობით.

3. დაევალოს სალიკვიდაციო კომისიას გაუქმებული კომიტეტის მუშაკთა განთავისუფლება და მათთან საბოლოო ანგარიშსწორება განახორციელოს საქართველოს რესპუბლიკის მოქმედი კანონმდებლობით გათვალისწინებული წესების შესაბამისად.

საქართველოს რესპუბლიკის
პრემიერ-მინისტრის
მოვალეობის შემსრულებელი

თ. სიგუა

საქართველოს რესპუბლიკის
მინისტრთა კაბინეტის
სახელმწიფო კანცელარიის
მმართველის მოვალეობის
შემსრულებელი

ზ. ბერიძე

7 საქართველოს რესპუბლიკაში სახელმწიფო უმაღლესი სასწავლებლების სტატუსის უმჯობესების შესახებ

საქართველოს რესპუბლიკის სამეცნიერო კადრების ინტელექტუალური პოტენციალის სრულყოფილად გამოყენების, სასწავლო პროცესის დემოკრატიული მართვის, უმაღლესი სასწავლებლების თავისუფალი და ეფექტიანი ფუნქციონირების უზრუნველსაყოფად საქართველოს რესპუბლიკის მინისტრთა კაბინეტი ადგენს:

1. მიენიჭოს საქართველოს რესპუბლიკაში ყველა ტიპის სახელმწიფო უმაღლეს სასწავლებლებს თვითმმართველი (ავტონომიური) ორგანიზაციების სტატუსი, იმ ვარაუდით, რომ მათ თავიანთი საქმიანობა განახორციელონ საკუთარი წესდების შესაბამისად.

2. გადაეცეთ ავტონომიამინიჭებულ უმაღლეს სასწავლებლებს საკუთრებად მათ სარგებლობაში არსებული ძირითადი ფონდები და სხვა სახელმწიფო ქონება.

3. რჩევა მიეცეთ უმაღლესი სასწავლებლების სამეცნიერო საბჭოებს უმოკლეს ვადაში შეიმუშაონ და დაამტკიცონ დებულება რექტორის თანამდებობის დაკავების შესახებ, რომლის საფუძველზეც აირჩევენ უმაღლესი სასწავლებლის რექტორს.

4. საქართველოს რესპუბლიკის ეკონომიკისა და ფინანსთა სამინისტრომ, საქართველოს რესპუბლიკის განათლების სამინისტრომ, საქართველოს რესპუბლიკის მეცნიერებისა და ტექნიკის სამინისტრომ წარმოუდგინონ საქართველოს რესპუბლიკის მინისტრთა კაბინეტს საქართველოში უმაღლესი განათლების განვითარების სახელმწიფო პროგრამის შემუშავებისათვის უმაღლესი სასწავლებლების აკრედიტაციის წესი, საქართველოს რესპუბლიკის სახელმწიფო ბიუჯეტის სახსრების ხარჯზე დაფინანსების მოცულობანი, სოციალური და სამეცნიერო პროგრამების დაფინანსების პირობები.

საქართველოს რესპუბლიკის
პრემიერ-მინისტრის
მოვალეობის შემსრულებელი

თ. სიგუზა

საქართველოს რესპუბლიკის
მინისტრთა კაბინეტის
სახელმწიფო კანცელარიის
მმართველის მოვალეობის
შემსრულებელი

ბ. ბერიძე

8 ელექტროენერჯის ტარიფების მოწესრიგების შესახებ

რესპუბლიკის ელექტროენერჯეტიკული დარგის ნორმალური ფუნქციონირებისა და მისი შემდგომი განვითარების უზრუნველყოფის მიზნით საქართველოს რესპუბლიკის მინისტრთა კაბინეტი ა დ გ ე ნ ს:

1. დამტკიცდეს და 1992 წლის 15 იანვრიდან სამოქმედოდ იქნეს შემოღებული:

— ელექტროენერჯეტიკის სამინისტროს საწარმოო გაერთიანება „საქენერგოექსპლუატაციის“ და საბითუმო გადამყიდველების ელექტრული ქსელებიდან გაცემული ელექტროენერჯის ტარიფი — 1 კილოვატსაათზე 52,5 კაპიკი (დამატებულ ღირებულებაზე გადასახადის ჩათვლით) ყველა კატეგორიის მომხმარებლისათვის, გარდა მოსახლეობისა;

— ელექტროენერჯის ტარიფი მოსახლეობისათვის 1 კილოვატსაათზე 12 კაპიკი მოქმედი შეღავათების გათვალისწინებით.

ძალადაკარგულად ჩაითვალოს საქართველოს რესპუბლიკის მთავრობის 1991 წლის 29 მარტის № 240 დადგენილებით დამტკიცებული ელექტროენერჯის ტარიფები.

2. ანგარიშსწორება საწარმოო გაერთიანება „საქენერგოექსპლუატაციისა“ და საბითუმო გადამყიდველებს შორის განხორციელდეს ხელშეკრულების საფუძველზე.

3. საქართველოს რესპუბლიკის ელექტროენერჯეტიკის სამინისტრომ, სამინისტროებმა და უწყებებმა, აფხაზეთისა და აჭარის ავტონომიური რესპუბლიკების მინისტრთა საბჭოებმა, ადგილობრივი მმართველობის ორგანოებმა უზრუნველყონ ელექტროენერჯის ახალი ტარიფების დაყვანა საწარმოებამდე და ორგანიზაციებამდე.

4. ელექტროენერჯის ტარიფების რეგულირება მოხდეს სათბობის და სხვა ხარჯების არსებითი ცვლილებების შემთხვევაში 25-პროცენტისანი ზღვრული რენტაბელობის გათვალისწინებით.

საქართველოს რესპუბლიკის
პრემიერ-მინისტრის
მოვალეობის შემსრულებელი

თ. სიგუა

საქართველოს რესპუბლიკის
მინისტრთა კაბინეტის
სახელმწიფო კანცელარიის
მმართველის მოვალეობის
შემსრულებელი

ბ. ბერიძე

9 სპარტელოს რესპუბლიკაში სასოფლო-სამეურნეო დანიშნულების მიწის რეფორმის შესახებ

მოსახლეობის საკარმიდამო ნაკვეთების ნორმის გადიდებისა და მიწის კერძო საკუთრებაში გადაცემით სოფლის მეურნეობაში საბაზრო ურთიერთობათა დამკვიდრების, სასურსათო პროდუქტების წარმოების გადიდების, ეკონომიკური კრიზისისაგან გამოსვლის მიზნით საქართველოს რესპუბლიკის მინისტრთა კაბინეტი ადგენს:

1. საქართველოს რესპუბლიკის ტერიტორიის ფარგლებში არსებული მიწა არის საქართველოს რესპუბლიკის ეროვნული სიმდიდრე და მისი კუთვნილება.

2. მიწა კერძო საკუთრებაში, მფლობელობასა და სარგებლობაში გადაცემით მხოლოდ საქართველოს რესპუბლიკის მოქალაქეებს. უცხოელ მოქალაქეებს ან მოქალაქეობის არმქონე პირებს მიწა გადაეცემათ დროებით სარგებლობაში.

3. მიწების ადრინდელ მესაკუთრეებს ან მათ მემკვიდრეებს მიწა საკუთრებაში, მფლობელობასა და სარგებლობაში მიეცემათ საერთო საფუძველზე. ამასთან შესაძლებლობის შემთხვევაში მათ პირველ რიგში გამოეყოფათ ყოფილი მიწებიდან ნაკვეთი ნორმის ფარგლებში.

4. სახელმწიფო საკუთრებაში არსებული მიწები თავისი დანიშნულებიდან და შემდგომში მათზე საკუთრების სხვადასხვა ფორმის გავრცელების გათვალისწინებით იყოფა სახელმწიფო მიწების ფონდად და მიწის რეფორმის ფონდად. სახელმწიფო მიწების ფონდს მიეკუთვნება:

— ექსპერიმენტულ მეურნეობებზე, საცდელ და საყრდენ სადგურებზე, სასწავლო და სამეცნიერო-კვლევით დაწესებულებებზე, მეთესლეობის, სანერგო, სანაშენე-საჯიშე მეურნეობებზე, მეცხოველეობისა და მეფრინველეობის მსხვილ კომპლექსებსა და ფაბრიკებზე უვადო სარგებლობით მიმაგრებული და სასაბურთე კომბინატებით დაკავებული მიწები;

— რეკრეაციული დანიშნულების მიწები;

— სტრატეგიული კულტურებით დაკავებული მსხვილი სამეკანიზაციო ფართობები, აგრეთვე ნაკვეთები, რომლებზეც ფუნქციონირებენ მაღალსპეციალიზებული მეურნეობები;

— სტიქიური და სხვა ობიექტური მიზეზებით განპირობებული მოსახლეობის განსახლებისათვის სარეზერვო მიწები;

— პერსპექტივაში საბაღედა, სააგარაკოდ გამოსაყოფი მიწები;

— მსხვილი ქალაქების, სამრეწველო ცენტრების სავარეუბნო ზონებში განლაგებული მიწები (აგლომერაციის მიწები);

— მიწები, რომლებზეც ფუნქციონირებენ სახელმწიფო სახსრებით აშენებული მელიორაციული სისტემები და ნაგებობები;

— სახელმწიფო სასახლერო ზონში განლაგებული, აგრეთვე სხვა განსაკუთრებული დანიშნულების მიწები.

მიწის რეფორმის ფონდზე შესაძლებელია მოეწყოს ყველა ფორმის მეურნეობები მათზე მიწების საკუთრებაში, მფლობელობასა და სარგებლობაში გადაცემით. აღნიშნული მიწები გადაეცემა სოფლის მფლობელობაში.

5. საქართველოს რესპუბლიკის მოქალაქეებზე კანონით დადგენილი ნორმის ფარგლებში რიცხული საკარმიდამო, საბაღე და სააგარაკო მიწები უსასყიდლოდ გადადის მათ კერძო საკუთრებაში.

ადგილობრივი ბუნებრივ-საწარმოო პირობებისა და შესაძლებლობების გათვალისწინებით მიზანშეწონილად ჩაითვალოს საკარმიდამო ფართობის გადიდება ბარში და ზეგანზე 0,75 ჰექტარამდე, ხოლო მთაში — 3 ჰექტარამდე. ახალ ნორმამდე შესავსები ფართობი კომლს გადაეცემა უსასყიდლოდ კერძო საკუთრებაში მრავალწლიანი ნარგავების ღირებულების გადახდით.

6. ნასოფლარების აღდგენისას მიწების კერძო საკუთრებაში, მფლობელობასა და სარგებლობაში გამოყოფის უპირატესობით სარგებლობენ ამ სოფლის მკვიდრნი ან მათი მემკვიდრეები, აგრეთვე ის მოქალაქეები, რომლებიც გამოთქამენ დასახლებისა და მიწაზე მუშაობის სურვილს.

7. სოფლის ყოფილ მკვიდრთ მიწები გამოეყოფათ კერძო საკუთრებაში, თუ მათ მემკვიდრეობით მიღებული აქვთ საცხოვრებელი სახლი ან სახლის ნაწილი, იგივე წესი ვრცელდება მოქალაქეებზე, რომელთაც კანონით დადგენილი სხვა წესით მიიღეს საცხოვრებელი სახლი.

8. სოფლის მეურნეობის პროდუქტების საწარმოებლად მიწები გადაეცემათ:

— სოფლად მუდმივად მცხოვრებ და სოფლის მეურნეობაში დასაქმებულ მოქალაქეებს;

— სოფლად მუდმივად მცხოვრებ სოფლის მეურნეობის სპეციალისტებს;

— სოფლად მუდმივად მცხოვრებ მუშებსა და მოსამსახურეებს, რომლებიც დასაქმებული არ არიან სოფლის მეურნეობაში.

ქალაქად მუდმივად მცხოვრებ მოქალაქეებს სოფლის მეურნეობის პროდუქტების საწარმოებლად და საცხოვრებელი სახლის ასაშენებლად მიწები გადაეცემათ დადგენილი ნორმის მიხედვით მას შემდეგ, როდესაც მოხდება სოფლად მუდმივად მცხოვრებ მოქალაქეებზე მიწების გაცემა.

9. მიწაზე, საკუთრების ფორმის მიუხედავად შეიძლება მოეწყოს ყველა ტიპის მეურნეობა: გლეხური (საკომლო) მეურნეობები, სასოფლო-სამეურნეო საწარმოო კოლბერტივები, სახელმწიფო მეურნეობები, აგროფირმები, მცირე საწარმოები, აქციონერული საზოგადოებები, ასოციაციები და სხვა.

10. მიწის რესურსების სრულყოფილად გამოყენებისა და მიწის რეფორმის განხორციელებისათვის შეიქმნას საქართველოს რესპუბლიკის მიწის რესურსებისა და მიწის რეფორმის სახელმწიფო კომიტეტი.

11. მიწების გაცემას ახდენს სოფლის (დაბის) მმართველობის ადგილობრივი ორგანო, შემდგომ ამტკიცებს რაიონის (ქალაქის) მმართველობის ორგანო საქართველოს რესპუბლიკის მიწის რესურსებისა და მიწის რეფორმის სახელმწიფო კომიტეტის სათანადო სახელმწიფო აქტით, რაც დასტურდება სანოტარო წესით და რეგისტრირდება მიწების აღრიცხვის სახელმწიფო წიგნში.

12. მიწაზე მესაკუთრის შეცვლის, აგრეთვე მიწასთან დაკავშირებულ სხვა საკითხებს აწესრიგებს მიწის კანონთა კოდექსი და სპეციალური კანონმდებლობა.

13. საქართველოს რესპუბლიკაში მიწით სარგებლობა ფასიანია.

სოფლის მეურნეობაში დღემდე არსებული ყველა გადასახადის ნაცვლად წესდება მიწაზე ყოველწლიური გადასახადი, რომელსაც იხდის ყველა ტიპის მეურნეობა.

14. საქართველოს რესპუბლიკის სოფლის, ტყის მეურნეობისა და კვების მრეწველობის სამინისტრომ, საქართველოს რესპუბლიკის მიწის რესურსებისა და მიწის რეფორმის სახელმწიფო კომიტეტმა, საქართველოს რესპუბლიკის ეკონომიკისა და ფინანსთა სამინისტრომ, საქართველოს რესპუბლიკის იუსტიციის სამინისტრომ, საქართველოს სოფლის მეურნეობის მეცნიერებათა აკადემიის პრეზიდიუმმა, საქართველოს ეროვნულმა ბანკმა, საქართველოს აგარულმა კავშირმა ერთი თვის ვადაში მოამზადონ საკანონმდებლო აქტები:

— საქართველოს რესპუბლიკაში მიწის რეფორმის შესახებ;

— საქართველოს რესპუბლიკაში გლეხური (საკომლო) მეურნეობის შესახებ;

— საქართველოს რესპუბლიკაში სასოფლო-სამეურნეო საწარმოო კოოპერატივის შესახებ;

— სახელმწიფო სასოფლო-სამეურნეო საწარმოს შესახებ;

— სოფლის მეურნეობაში მიწისა და წარმოების სხვა საშუალებების იჯარით გაცემის შესახებ;

— ადმინისტრაციული რაიონების მიხედვით მიწების სახელმწიფო და აგარული რეფორმის ფონდებში განაწილების შესახებ;

— ადმინისტრაციული რაიონების მიხედვით საკარმიდამო, საბაღე, სააგარაკო მიწის ფართობის ზღვრული ნორმების დადგენის შესახებ;

— ერთ კომლზე გასაცემი მიწის ზღვრული ნორმების შესახებ;

— საადგილმამულო ბანკის შექმნისა და ფუნქციონირების შესახებ;

— მიწის ფასისა და მიწაზე გადასახადის შესახებ.

— სასოფლო-სამეურნეო საწარმოს განსახელმწიფოებრივებისა და პრივატიზაციის შესახებ.

15. ამ დადგენილების განხორციელებასთან დაკავშირებით წამოჭრილ დავებს საბოლოოდ გადაწყვეტს სასამართლო.

საქართველოს რესპუბლიკის
პრემიერ-მინისტრის
მოვალეობის შემსრულებელი
საქართველოს რესპუბლიკის
მინისტრთა კაბინეტის
სახელმწიფო კანცელარიის
მმართველის მოვალეობის
შემსრულებელი

თ. სიგუა

პ. ბერიძე

10 დროებითი პოლიტიკური საკონსულტაციო საბჭოს შემადგენელი

საქართველოში შექმნილი მძიმე პოლიტიკური, ეკონომიკური და სოციალური მდგომარეობა, გაუწონასწორებელი მორალურ-ფსიქოლოგიური კლიმატი, ხალხის ყოველდღიური საარსებო ინტერესები მოითხოვენ სახელმწიფოს მართვის მაღალ პროფესიულ და ინტელექტუალურ დონეზე აყვანას, მმართველობის დემოკრატიულ საწყისებზე გადასვლას, კვალიფიციურ ოპერატიულ გადაწყვეტილებათა მიღებას.

დღევანდელ პირობებში სახელმწიფოს მართვა შესაძლებელია მხოლოდ განსხვავებული პოლიტიკური მრწამსის მქონე, სოციალურად აქტიური კომპეტენტური ადამიანების მოსაზრებათა გაზიარებით.

ამ პრინციპის განხორციელების მიზნით საქართველოს რესპუბლიკის მინისტრთა კაბინეტი ადგენს:

1. შეიქმნას საქართველოს რესპუბლიკის პრემიერ-მინისტრის მოვალეობის შემსრულებელთან დროებითი პოლიტიკური საკონსულტაციო საბჭო და დროებითი მთავრობის მიერ მისაღები გადაწყვეტილებები მნიშვნელოვან პოლიტიკურ, ეკონომიკურ, სოციალურ საკითხებზე განხილულ იქნეს პოლიტიკურ საკონსულტაციო საბჭოსთან ერთად.

2. დროებითი პოლიტიკური საკონსულტაციო საბჭოს შემადგენლობაში მოწვეულ იქნენ ბატონები ვაჟა ადამია, ლევან ალექსიძე, მერაბ ალექსიძე, აკაკი ასათიანი, ირაკლი ბათიაშვილი, აკაკი ბაქრაძე, დავით ბერძენიშვილი, კონსტანტინე ვაბაშვილი, თამაზ გამყრელიძე, გურამ გვეგეშიძე, არჩილ გოგელია, რომან გოციროძე, გურამ თევზაძე, ჯაბა იოსელიანი, ალექსანდრე კვეციანი, თამაზ კვაჭანტირაძე, თენგიზ კიტოვანი, დავით კუბარეიშვილი, ნოდარ ლომოური, გიორგი მაისურაძე, ნოდარ ნათაძე, მიხეილ ნანეიშვილი, თედო ნინიძე, თედო პაატაშვილი, ზურაბ ყვანია, თეიმურაზ ყორჯოლიანი, თეიმურაზ ფიფია, რევაზ შავიშვილი, თეიმურაზ შაშიაშვილი, გიორგი შენგელაია, ელდარ შენგელაია, ირაკლი შენგელაია, ქალბატონი თამარ ჩხეიძე, ბატონები ირაკლი წერეთელი, გიორგი ჭანტურია, გიორგი ხაინდრავა, ივლიანე ხაინდრავა, თამაზ ჯანელიძე.

საქართველოს რესპუბლიკის
პრემიერ-მინისტრის
მოვალეობის შემსრულებელი

თ. სიგუა

საქართველოს რესპუბლიკის
მინისტრთა კაბინეტის
სახელმწიფო კანცელარიის
მმართველის მოვალეობის
შემსრულებელი

ბ. პერიძე

11 საქართველოს რესპუბლიკის მიწის რესურსებისა და მიწის რეფორმის სახელმწიფო კომიტეტის შექმნის შესახებ

„საქართველოს რესპუბლიკაში სასოფლო-სამეურნეო დანიშნულების მიწის რეფორმის შესახებ“ საქართველოს რესპუბლიკის მინისტრთა კაბინეტის 1992 წლის 18 იანვრის № 48 დადგენილების შესასრულებლად საქართველოს რესპუბლიკის მინისტრთა კაბინეტი ადგენს:

1. შეიქმნას საქართველოს რესპუბლიკის სოფლის, ტყის მეურნეობისა და კვების მრეწველობის სამინისტროს მიწათსარგებლობისა და მიწათმოწყობის მთავარი სამმართველოს ბაზაზე საქართველოს რესპუბლიკის მიწის რესურსებისა და მიწის რეფორმის სახელმწიფო კომიტეტი.

2. საქართველოს რესპუბლიკის ეკონომიკისა და ფინანსთა სამინისტრომ წარმოადგინოს წინადადება მიწის რესურსებისა და მიწის რეფორმის სახელმწიფო კომიტეტის საშტატო განრიგისა და დაფინანსების შესახებ.

3. საქართველოს რესპუბლიკის მინისტრთა კაბინეტის სახელმწიფო კანცელარიამ ქალაქ თბილისის მერიასთან ერთად გადაწყვიტოს მიწის რესურსებისა და მიწის რეფორმის სახელმწიფო კომიტეტის განთავსების საკითხი.

4. საქართველოს რესპუბლიკის მიწის რესურსებისა და მიწის რეფორმის სახელმწიფო კომიტეტმა საქართველოს რესპუბლიკის მინისტრთა კაბინეტს უმოკლეს ვადაში წარმოუდგინოს დებულება ამ კომიტეტის შესახებ.

საქართველოს რესპუბლიკის
 პრემიერ-მინისტრის
 მოვალეობის შემსრულებელი

თ. სიგუა

საქართველოს რესპუბლიკის
 მინისტრთა კაბინეტის
 სახელმწიფო კანცელარიის
 მმართველის მოვალეობის
 შემსრულებელი

ბ. ბერიძე

12 საქართველოს რესპუბლიკის ფარგლებს გარეთ ზოგირითი სახის ნედლეულის, სასურსათო და სამრეწველო საქონლის გატანის რეგულირების შესახებ საქართველოს რესპუბლიკის მინისტრთა კაბინეტის მიერ მიღებული დადგენილებაების მოქმედების ვადის გაგრძელების და ცვლილებაების შეტანის თაობაზე

საქართველოს რესპუბლიკის მინისტრთა კაბინეტი ა დ გ ე ნ ს:

1. გაუგრძელდეს მოქმედების ვადა საქართველოს რესპუბლიკის მინისტრთა კაბინეტის 1991 წლის 18 სექტემბრის № 728, 1991 წლის 10 ოქტომბრის № 774 და 1991 წლის 15 ნოემბრის № 872 დადგენილებებს 1992 წლის 1 აპრილამდე.

2. ძალადაკარგულად ჩაითვალოს საქართველოს რესპუბლიკის მინისტრთა კაბინეტის 1991 წლის 15 ნოემბრის № 872 დადგენილების № 1 და № 2 დანართები („ნუსხა პროდუქციისა, რომლის გატანა საქართველოს რესპუბლიკის ფარგლებს გარეთ იკრძალება 1991 წლის 15 ნოემბრიდან 1992 წლის 1 იანვრამდე“ და „საქართველოს რესპუბლიკის ფარგლებს გარეთ გასატანი ზოგიერთი სახის ნედლეულის, სასურსათო და სამრეწველო საქონლის ნუსხა, რომლის გატანაც დროებით შეიძლება მხოლოდ ლიცენზიით“) და მათ სანაცვლოდ დამტკიცდეს თანდართული № 1 და № 2 ნუსხები.

3. საქართველოს რესპუბლიკის ეკონომიკისა და ფინანსთა სამინისტრომ (მოწვევა) საქართველოს რესპუბლიკის მატერიალური რესურსების სამინისტროსთან, საქართველოს რესპუბლიკის სავაჭრო საქმეთა სამინისტროსთან, სხვა დაინტერესებულ სამინისტროებთან, დეპარტამენტებთან, უწყებებთან ერთად მოამზადოს და 1992 წლის 15 თებერვლამდე წარმოადგინოს განსახილველად დადგენილების პროექტი საქართველოს რესპუბლიკის ფარგლებს გარეთ გასაგზავნი პროდუქციის კვოტირებისა და ლიცენზირების შესახებ.

საქართველოს რესპუბლიკის
პრემიერ-მინისტრის
მოვალეობის შემსრულებელი

თ. სიგუა

საქართველოს რესპუბლიკის
მინისტრთა კაბინეტის
სახელმწიფო კანცელარიის
მმართველის მოვალეობის
შემსრულებელი

პ. ბერიძე



ნ უ ს ხ ა

**პროდუქციისა, რომლის გატანა საქართველოს რესპუბლიკის ფარგლებს გარეთ
დროებით იკრძალება**

- რძე და რძის ნაწარმი
- ცოცხალი პირუტყვი და ფრინველი, ხორცი და ხორცის ნაწარმი
- მარცვლეული, ბურღული და ბრინჯი
- ფქვილი
- შაქარი
- ცემენტი
- ყველა სახის აგური
- ხე-ტყე (მორები, ხის სხვადასხვა მასალა, დაწნეხილი ფილები, პარკეტი)
- ტყავნედლეული
- ნავთობპროდუქტები
- კალცინირებული სოდა

საქართველოს რესპუბლიკის
მინისტრთა კაბინეტის
სახელმწიფო კანცელარიის
მმართველის მოვალეობის
შემსრულებელი

გ. ბერიძე

20194

საქართველოს
მინისტრთა
კაბინეტის
გ ე რ მ ი ტ ე ტი

საქართველოს რესპუბლიკის მინისტრთა
 კაბინეტის 1992 წლის 20 იანვრის № 55
 დადგენილების დანართი № 2

საქართველოს რესპუბლიკის ფარგლებს გარეთ გასატანი ზოგიერთი სახის
 ნედლეულის, სასურსათო და სამრეწველო საქონლის ნუსხა, რომლის
 გატანაც დროებით შეიძლება მხოლოდ ლიცენზიით

- ალკოპოლიანი სასმელები
- ჩაი
- თამბაქოს ნედლეული
- თამბაქოს ნაწარმი
- ხილის კონცენტრატები
- ნაყენები (სპირტიანი და სხვა)
- მეფუტკრეობის პროდუქტები (თაფლი, ფუტკრის შხამი და სხვა)
- ეთერზეთოვანი პროდუქცია
- მედიკამენტები
- სანტექნიკური ნაწარმი
- ხარისხოვანი ჭურჭელი
- ტექნიკური აგატი
- მარგანეცის მადანი
- სპილენძი
- კვარციტები
- დარიშხანი
- ფესხაცმელი, ტანსაცმელი
- ტყვია, თუთია, ალუმინი
- მარმარილო, გრანიტი, ბაზალტი და სხვა
- ქვანახშირი
- მინერალური სასუქები
- ავეჯი
- ფაიფურ-ქაშანურისა და მაიოლიკის ნაწარმი
- ნართი და ძაფები, ქსოვილები, ტრიკოტაჟისა და ტყავის ნაწარმი
- ნოხები
- ტელევიზორები
- პიანინო
- მაცივრები
- გაზჭურები
- სარეცხი საშუალებები
- ლოგინის და სუფრის თეთრეული
- სასკოლო-საეკონომიკური საქონელი
- ლითონის ნაირსახეობა (ლურსმანი, ფურცლოვანი ფოლადი,
 ფოლადის სახურავი, არმატურა, მილები, კუთხოვანა)
- აბრეშუმის პარკი

- მატყლი
- ბოსტნეულის კონსერვი
- კარტოფილი
- ხახვი
- მაკარონის ნაწარმი
- მცენარეული ზეთი
- თევზი და თევზის პროდუქტები
- ბავშვთა კვების პროდუქტები
- კრამიტი
- წვრილი საკედლე ბლოკი
- კირი
- თაბაშირი
- ბაზალტის, მარმარილოს და ტუფის ბლოკები

საქართველოს რესპუბლიკის
მინისტრთა კაბინეტის
სახელმწიფო კანცელარიის
მმართველის მოვალეობის
შემსრულებელი

გ. ბერიძე



13 საქართველოს რესპუბლიკის კავშირგაბმულობის საშუალებებით მომსახურების ტარიფების გადინების შესახებ

ფასებისა და ტარიფების ლიბერალიზაციასთან დაკავშირებით კავშირგაბმულობის საშუალებათა ნორმალური ფუნქციონირებისა და მათი შემდგომი განვითარება-გაფართოების მიზნით საქართველოს რესპუბლიკის მინისტრთა კაბინეტი ადგენს:

1. დაწესდეს და 1992 წლის 1 თებერვლიდან ძალაში შევიდეს კავშირგაბმულობის საშუალებებით მომსახურების ამჟამად მოქმედი ტარიფების მიმართ ზღვრული ასამაღლებელი კოეფიციენტი საშუალოდ — 4,5 შემდეგი ძირითადი სახეობების მიხედვით:

- საფოსტო კავშირით მომსახურება;
- რადიოფიკაციით მომსახურება;
- რადიოკავშირი, რადიომაუწყებლობა;
- სატელეფონო გადაცემათა მომსახურება;
- მოსახლეობის მიერ ინდივიდუალური ტელეფონებით სარგებლობა.

დამტკიცდეს მომსახურების ჩამოთვლილი სახეობების მიხედვით რენტაბელობის ზღვრული დონე 40 პროცენტამდე.

2. კავშირგაბმულობის სხვა საშუალებებით მომსახურებისათვის დაწესდეს თავისუფალი ტარიფები.

3. მასალების, მოწყობილობების, დანადგარების ფასების ცვლილებების შესაბამისად მოხდეს ტარიფების ასამაღლებელი კოეფიციენტის ხელახალი დამტკიცება.

საქართველოს რესპუბლიკის
პრემიერ-მინისტრის
მოვალეობის შემსრულებელი

თ. სიგუა

საქართველოს რესპუბლიკის
მინისტრთა კაბინეტის
სახელმწიფო კანცელარიის
მმართველის მოვალეობის
შემსრულებელი

ბ. ზარიძე

14 „საქშავზღვათმევზღაცვის“ სამმართველოს და საქართველოს ზავი ზღვის სარეწაო ნავსადგურების „პორტის კაპიტნის“ სამ- სახურის საქართველოს რესპუბლიკის შინაგან საქმეთა სამინისტროს დაქვემდებარებაში გადაცემის შესახებ

საქართველოს რესპუბლიკის მინისტრთა კაბინეტი ადგენს:

1. თევზის მარაგის დაცვის, კვლავლწარმოების და თევზჭერის რეგულირე-
ბის საქართველო — შავი ზღვის სააუზო სამმართველო „საქშავზღვათმევზ-
ღაცვა“ როგორც დამოუკიდებელი სტრუქტურული ერთეული დაექვემდებ-
როს საქართველოს რესპუბლიკის შინაგან საქმეთა სამინისტროს, ეწოდოს მას
საქართველოს რესპუბლიკის შინაგან საქმეთა სამინისტროს საქართველოს
რესპუბლიკის შავი ზღვის ეკონომიკური ზონის, თევზის მარაგის დაცვის,
კვლავწარმოებისა და თევზჭერის რეგულირების სამმართველო „საქშავზღვა-
თმევზღაცვა“ და აღნიშნულ სამმართველოს თავისი საშუალო ერთეულებით, მა-
ტერიალურ-ტექნიკური აღჭურვილობითა და სხვა საშუალებებით გადაეცეს
საქართველოს შავი ზღვის სარეწაო ნავსადგურები (ბათუმი, ფოთი, სოხუმი)
„პორტის კაპიტნის“ სამსახური.

2. დაევალოს „საქშავზღვათმევზღაცვის“ სამმართველოს:

— საქართველოს რესპუბლიკის ტერიტორიაზე შავი ზღვის მიმდებარე
აკვატორიაში ეკონომიკური ზონის დაცვა;

— საქართველოს რესპუბლიკის მთელ ტერიტორიაზე თევზჭერის რეგულ-
ირება, თევზის მარაგის კვლავწარმოება და დაცვა, წყალსაცავების, მდინარე-
ების, ტბებისა და სხვა თევზსარეწი მნიშვნელობის წყალსატევების დაცვა
უარყოფითი ზემოქმედებისაგან;

— სასაქონლო პროდუქციის წარმოება და რეალიზაცია;

— სამმართველოს დებულების შემუშავება და დასამტკიცებლად წარდ-
გენა საქართველოს რესპუბლიკის შინაგან საქმეთა სამინისტროსათვის;

— თავის სისტემაში „პორტის კაპიტნის“ სამსახურის კოორდინაციისათვის
სათანადო სტრუქტურის შექმნა.

საქართველოს რესპუბლიკის
პრემიერ-მინისტრის
მოვალეობის შემსრულებელი

თ. სიგუა

საქართველოს რესპუბლიკის
მინისტრთა კაბინეტის
სახელმწიფო კანცელარიის
მმართველის მოვალეობის
შემსრულებელი

ბ. ბერიძე

15 საქართველოს სახელმწიფო საგუნდო კაპელისათვის ნიკო სულხანიშვილის სახელის მიკაუთვნების შესახებ

საქართველოს რესპუბლიკის მინისტრთა კაბინეტი ადგენს:

მიღებულ იქნეს საქართველოს მუსიკალური საზოგადოების გამგეობის წინადადება, შეთანხმებული საქართველოს რესპუბლიკის კულტურის სამინისტროსა და საქართველოს კომპოზიტორთა კავშირთან და მიეკუთვნოს გამოჩენილი ქართველი კომპოზიტორის ნიკო სულხანიშვილის სახელი საქართველოს სახელმწიფო საგუნდო კაპელას.

საქართველოს რესპუბლიკის
 პრემიერ-მინისტრის
 მოვალეობის შემსრულებელი

თ. სიგუა

საქართველოს რესპუბლიკის
 მინისტრთა კაბინეტის
 სახელმწიფო კანცელარიის
 მმართველის მოვალეობის
 შემსრულებელი

ბ. ზერიძე

16 ეკონომიკური რეფორმის მართვის ორგანიზაციის სრულყოფის შესახებ

საქართველოს რესპუბლიკაში სოციალურ-ეკონომიკური განვითარების სტრატეგიის ჩამოყალიბების, ეკონომიკური რეფორმის ღონისძიებათა სისტემურობის უზრუნველყოფისა და ფინანსური სტაბილიზაციის ამოცანების ოპერატიული გადაწყვეტის მიზნით საქართველოს რესპუბლიკის მინისტრთა კაბინეტი ადგენს:

1. გაუქმდეს საქართველოს რესპუბლიკის ეკონომიკისა და ფინანსთა სამინისტრო და საქართველოს რესპუბლიკის მინისტრთა კაბინეტთან არსებული ეკონომიკური რეფორმის სახელმწიფო კომისია.

2. შეექმნას საქართველოს რესპუბლიკის ეკონომიკის სამინისტრო და საქართველოს რესპუბლიკის ფინანსთა სამინისტრო.

3. ანტიმონოპოლიური პოლიტიკის გატარებისა და მეწარმეობის მხარდაჭერის ფუნქცია საქართველოს რესპუბლიკის სახელმწიფო ქონების მართვის კომიტეტისაგან გადაეცეს საქართველოს რესპუბლიკის ეკონომიკის სამინისტროს.

საქართველოს რესპუბლიკის
პრემიერ-მინისტრის
მოვალეობის შემსრულებელი

თ. სიგუა

საქართველოს რესპუბლიკის
მინისტრთა კაბინეტის
სახელმწიფო კანცელარიის
მმართველის მოვალეობის
შემსრულებელი

ბ. ზარიძე

17 საქართველოს რესპუბლიკაში ბინების პრივატიზაციის (უსსს- ყიდლოდ გადაცემის) შესახებ

საქართველოს რესპუბლიკის მოქალაქეთა ბინის კონსტიტუციური უფლებების რეალიზაციის დამყარების, სახელმწიფო და საზოგადოებრივი საბინაო ფონდის მოქალაქეთათვის საკუთრებაში გადაცემის, საბინაო ფონდის მოვლა-პატრონობისათვის მოქალაქეთა დაინტერესების გაზრდის მიზნით საქართველოს რესპუბლიკის მინისტრთა კაბინეტი ადგენს:

1. საქართველოს რესპუბლიკაში ბინების პრივატიზაცია წარმოადგენს მოქალაქეთათვის სახელმწიფო და საზოგადოებრივ საბინაო ფონდში მათ მიერ დაკავებული საცხოვრებელი სახლის (ბინის) ნებაყოფლობითი შეღავათიანი პირობებით საკუთრებაში უსასყიდლოდ გადაცემას.

2. პრივატიზაციის ობიექტი შეიძლება იყოს სახელმწიფო და საზოგადოებრივი ფონდის საცხოვრებელი სახლი (ბინა), მათ შორის ავარიული, სარეკონსტრუქციო ან კაპიტალურად გასარემონტებელ სახლში შეუსახლებელი ბინა, აგრეთვე გამოთავისუფლებული ბინა.

ისტორიისა და კულტურის ძეგლებად მიჩნეულ სახლებში არსებული ბინის საკუთრებაში გადაცემა დაიშვება ძეგლთა დაცვის სახელმწიფო ორგანოების თანხმობით.

მოქალაქეს შის მიერ დაკავებული საცხოვრებელი სახლი (ბინა) საკუთრებაში გადაეცემა მხოლოდ ოჯახის ყველა სრულწლოვანი წევრის თანხმობით. საცხოვრებელი სახლი (ბინა) მათი სურვილისამებრ შეიძლება გადაეცეს მათ საერთო საკუთრებაში.

ოჯახში მცხოვრებ სრულწლოვან წევრთა თანხმობა სავალდებულოა დამოწმებული იყოს სანოტარო წესით.

ბინა, რომელიც სარგებლობის უფლებით გადაცემული აქვს რამდენიმე დამჭირავებელს, მათ საკუთრებაში გადაეცემათ ყველა დამჭირავებლის თანხმობით.

3. პრივატიზაციას არ ექვემდებარება:

— სამსახურებრივი დანიშნულების ბინა;

— ბინა საერთო საცხოვრებელში.

4. საცხოვრებელი სახლის (ბინის) უსასყიდლოდ გადაცემა ხორციელდება ადგილობრივი მმართველობის ორგანოების, საწარმო-დაწესებულებებისა და ორგანიზაციების მიერ, რომელთა ბალანსზეც ირიცხება საცხოვრებელი სახლი (ბინა).

5. საცხოვრებელი სახლი (ბინა) უსასყიდლოდ გადაეცემათ საქართველოს რესპუბლიკის მოქალაქეებს, რომლებიც ამ საცხოვრებელი სახლის (ბინის) დამჭირავებლები ან დამჭირავებლის ოჯახის წევრები არიან.

მოქალაქენი, რომელთაც უსასყიდლოდ უნდა გადაეცეთ საცხოვრებელი სახლი (ბინა), განცხადებით მიმართავენ ადგილობრივი მმართველობის ორგანოებს, საბინაო-საექსპლუატაციო ორგანიზაციებს, საწარმო-დაწესებულებ-

ბებსა და ორგანიზაციებს, რომელთა ბალანსზეც ირიცხება საცხოვრებელი სახლი (ბინა).

6. ხელშეკრულება საცხოვრებელი სახლის (ბინის) უსასყიდლოდ გადაცემის შესახებ ფორმდება ადგილობრივი მმართველობის ორგანოს სახელით საბინაო-საექსპლუატაციო ორგანიზაციასა და მოქალაქეს შორის, რომელსაც ბინა უნდა გადაეცეს საკუთრებაში, ხოლო საწარმოს, დაწესებულებისა და ორგანიზაციის კუთვნილი საცხოვრებელი სახლის (ბინის) უსასყიდლოდ გადაცემისას ადმინისტრაციასა და მოქალაქეს შორის.

7. საცხოვრებელი სახლის (ბინის) მოქალაქისთვის საკუთრებაში გადაცემის ხელშეკრულება უნდა დადასტურდეს სანოტარო წესით და რეგისტრაციაში გატარდეს ადგილობრივი მმართველობის ორგანოში სამი თვის ვადაში სანოტარო წესით დადასტურების დღიდან. საცხოვრებელი სახლის (ბინის) საკუთრებაში გადაცემის ხელშეკრულება დადებულიად ითვლება მისი რეგისტრაციის მომენტიდან.

8. საცხოვრებელი სახლის (ბინის) საკუთრებაში გადაცემისას მოქალაქემ უნდა გადაიხადოს სახელმწიფო ბაჟი. ბაჟი განისაზღვრება საცხოვრებელი სახლის (ბინის) ჭირისა და კომუნალური მომსახურების გადასახადის ორი წლის ოდენობით 1992 წლის 1 იანვრის მდგომარეობით.

9. სახელმწიფო ბაჟის გადასახადისაგან თავისუფლდებიან 1989 წლის 9 აპრილის ტრაგედიის, 1991-1992 წლების პერიოდში მომხდარი ტრაგიკული მოვლენების დროს დაღუპულ პირთა ოჯახები, მეორე მსოფლიო ომის მონაწილეები, ამ ომში დაღუპულ პირთა ოჯახის წევრები, აგრეთვე მათთან ვათანაბრებული პირები.

10. საბინაო-სამშენებლო კოოპერატივის წევრი, რომელმაც მთლიანად გადაიხადა საცხოვრებელი ბინის ღირებულება, ითვლება ბინის მესაკუთრედ, რის შესახებაც იდება ხელშეკრულება საბინაო-სამშენებლო კოოპერატივის შეპაიესა და გამგეობას შორის, რაც დასტურდება სანოტარო წესით და გადაიხდება სახელმწიფო ბაჟი 50 მანეთის ოდენობით. ბაჟის გადახდისაგან თავისუფლდებიან ამ დადგენილების მე-9 პუნქტში აღნიშნული პირები.

11. საცხოვრებელი სახლის (ბინის) მოქალაქის საკუთრებაში გადაცემასთან დაკავშირებული დავა განიხილება სასამართლო წესით.

12. საცხოვრებელი სახლის (ბინის) ექსპლუატაცია ხდება ადგილობრივი მმართველობის ორგანოს საბინაო-საექსპლუატაციო ორგანიზაციასა და მესაკუთრეს შორის დადებული ხელშეკრულების საფუძველზე.

13. შექმნილი ბინის მფლობელობის, სარგებლობისა და განკარგვის უფლება ხორციელდება მოქალაქეთა საკუთრებაში არსებული საცხოვრებელი სახლის მფლობელობის, სარგებლობისა და განკარგვის ანალოგიურად.

14. საცხოვრებელი სახლის (სექციის, ბინის) ტექნიკურ მომსახურებას ეწევიან ადგილობრივი მმართველობის ორგანოების საბინაო-საექსპლუატაციო ორგანიზაციები მოქალაქეებთან დადებულ ხელშეკრულებათა საფუძველზე.

15. ბინის მესაკუთრენი დაკავებული ფართობის შესაბამისად მონაწილეობენ მთელი სახლის ტექნიკურ მომსახურებასა და რემონტთან, მათ შორის კაპიტალურ რემონტთან დაკავშირებულ საერთო ხარჯებში.

16. სახლების გათბობის, ელექტროენერგიით, გაზით, წყალმომარაგებითა და კანალიზაციით უზრუნველყოფის ხარჯებს ანაზღაურებენ ბინის მესაკუთრენი სახელმწიფო საბინაო ფონდისათვის დაწესებული ტარიფების მიხედვით.

17. სახელმწიფო ან საზოგადოებრივი საბინაო ფონდის საცხოვრებელ სახლში ბინის მესაკუთრენი სარგებლობენ საქართველოს რესპუბლიკაში საცხოვრებელი სადგომების სარგებლობის, საცხოვრებელი სახლისა და სახლისპირა ტერიტორიის მოვლა-პატრონობის წესების მიხედვით.

18. დაევალოს საქართველოს რესპუბლიკის მშენებლობისა და არქიტექტურის საქმეთა სამინისტროს ერთი თვის ვადაში წარმოადგინოს კონკრეტული წინადადებანი პრივატიზებული საბინაო ფონდის ტექნიკური მომსახურებისა და რემონტის ჩატარების ორგანიზაციისა და გაწეული დანახარჯების დაფარვის წესის შესახებ.

19. ძალადაკარგულად ჩაითვალოს საქართველოს სსრ მინისტრთა საბჭოსა და საქართველოს პროფკავშირთა რესპუბლიკური საბჭოს 1990 წლის 25 იანვრის № 35 დადგენილება „მოქალაქეთათვის საცხოვრებელი სახლებისა და ბინების პირად საკუთრებაში მიყიდვის და მათი მოვლა-შენახვისა და რემონტის ხარჯების ანაზღაურების შესახებ“.

საქართველოს რესპუბლიკის
 პრემიერ-მინისტრის
 მოვალეობის შემსრულებელი

თ. სიგუა

საქართველოს რესპუბლიკის
 მინისტრთა კაბინეტის
 სახელმწიფო კანცელარიის
 მმართველის მოვალეობის
 შემსრულებელი

ბ. ბერიძე

18 საქართველოს რესპუბლიკაში აგროსამრეწველო კომპლექსის მართვის სრულყოფის შესახებ

მიმდინარე ეტაპზე საქართველოს რესპუბლიკის სახალხო მეურნეობაში თვისებრივად ახალ საწარმოო-ეკონომიკურ ურთიერთობათა ჩამოყალიბებისა და საბაზრო ეკონომიკაზე გადასვლის პრობებში აგროსამრეწველო კომპლექსის მართვის სრულყოფის მიზნით საქართველოს რესპუბლიკის მინისტრთა კაბინეტი ადგენს:

1. გაუქმდეს საქართველოს რესპუბლიკის სოფლის, ტყის მეურნეობისა და კვების მრეწველობის სამინისტრო.

2. შეიქმნას საქართველოს რესპუბლიკის სოფლისა და სატყეო მეურნეობის სამინისტრო და საქართველოს რესპუბლიკის კვებისა და ჯანამრეწველო მრეწველობის სამინისტრო.

3. დაევალოთ აღნიშნულ სამინისტროებს ერთი კვირის ვადაში წარმოადგინონ დადგენილების პროექტები სამინისტროთა ფუნქციების, სტრუქტურისა და აპარატის შესახებ.

საქართველოს რესპუბლიკის
პრემიერ-მინისტრის
მოვალეობის შემსრულებელი

თ. სიგუა

საქართველოს რესპუბლიკის
მინისტრთა კაბინეტის
სახელმწიფო კანცელარიის
მმართველის მოვალეობის
შემსრულებელი

ბ. ბერიძე

19 ადგილობრივი მმართველობის დროებითი ორგანოს შექმნის წესის შესახებ

საქართველოს რესპუბლიკაში საზოგადოებრივ-პოლიტიკური მდგომარეობის სტაბილიზაციისა და მმართველობის დემოკრატიული ფორმების დანერგვის მიზნით, საქართველოს რესპუბლიკის სამხედრო საბჭოს 1992 წლის 10 იანვრის დადგენილების თანახმად, საქართველოს რესპუბლიკის მინისტრთა კაბინეტი ადგენს:

რაიონებსა და რესპუბლიკური დაქვემდებარების ქალაქებში, ადგილობრივი მმართველობის ორგანოს — გამგეობის შემადგენლობის ასარჩევად (თავმჯდომარე, მოადგილე და, როგორც წესი, 3-5 წევრი) შესაძლებელია ჩატარდეს რაიონული და საქალაქო კრებები, რომლებშიც მონაწილეობას მიიღებენ რაიონული, საქალაქო, სოფლის, თემის და რაიონული დაქვემდებარების ქალაქების საკრებულოების დეპუტატები, საზოგადოებრივ-პოლიტიკური ორგანიზაციების თითო წევრი, რომლებსაც არ ჰყავთ საკრებულოში თავიანთი წარმომადგენელი, რაიონის და ქალაქის ადმინისტრაციული ორგანოების, საწარმოთა და ორგანიზაციათა ხელმძღვანელები, სხვა წარმომადგენლები.

საქართველოს რესპუბლიკის
 პრემიერ-მინისტრის
 მოვალეობის შემსრულებელი

თ. სიჭუა

საქართველოს რესპუბლიკის
 მინისტრთა კაბინეტის
 სახელმწიფო კანცელარიის
 მმართველის მოვალეობის
 შემსრულებელი

ბ. ბერიძე

20 „საქართველოს რესპუბლიკაში სასოფლო-სამეურნეო დანიშნულების მიწების რეფორმის შესახებ“ საქართველოს რესპუბლიკის მინისტრთა კაბინეტის 1992 წლის 18 იანვრის № 48 დადგენილების მიხედვით 1992 წლის 18 იანვრის № 48 დადგენილების პრაქტიკული განხორციელების დამატებით დონისძიებათა თაობაზე

„საქართველოს რესპუბლიკაში სასოფლო-სამეურნეო დანიშნულების მიწების რეფორმის შესახებ“ საქართველოს რესპუბლიკის მინისტრთა კაბინეტის 1992 წლის 18 იანვრის № 48 დადგენილების პრაქტიკულად განხორციელების მიზნით საქართველოს რესპუბლიკის მინისტრთა კაბინეტი ადგენს:

1. დაწესდეს საკუთრებაში, მფლობელობასა და სარგებლობაში გადასაცემი საკარმიდამო მიწის ზღვრული ნორმები ადგილობრივი ბუნებრივი პირობებისა და შესაძლებლობების გათვალისწინებით:

— სოფლად მუდმივად მცხოვრები და სოფლის მეურნეობაში დასაქმებული მოქალაქეებისათვის, სოფლად მუდმივად მცხოვრები სოფლის მეურნეობის სპეციალისტებისათვის ბარისა და ზეგნის რაიონებში — 0,75 ჰექტარამდე, ხოლო მთის რაიონებში — 3 ჰექტარამდე;

— სოფლად მუდმივად მცხოვრები სხვა სფეროს მუშა-მოსამსახურეებისათვის, ბარისა და ზეგნის რაიონებში — 0,5 ჰექტარამდე, ხოლო მთის რაიონებში — 3 ჰექტარამდე;

— ქალაქად მცხოვრებთათვის, რომელთაც საკუთრების უფლებით მიღებული აქვთ საცხოვრებელი სახლი ან სახლის ნაწილი, და ქალაქად მცხოვრები რეზიდენტებისათვის, რომელთაც სურთ სოფლად მიიღონ საკარმიდამო მიწის ნაკვეთი, ბარისა და ზეგნის რაიონებში — 0,15 ჰექტარამდე, ხოლო მთის რაიონებში — 1 ჰექტარამდე.

2. საკარმიდამო მიწის ნაკვეთების გაცემა განხორციელდეს 1992 წლის 1 იანვრის მდგომარეობით რიცხული კომლების მიხედვით. 1992 წლის 1 იანვრის შემდეგ გაყრის შედეგად წარმოქმნილი ახალი კომლები დაკმაყოფილდნენ ამ მიზნით მიწის სარეზერვო ფონდის შექმნის შემდეგ.

კომლის გაყრა ხორციელდება მასში ორი და მეტი სრულწლოვანი შვილის არსებობის შემთხვევაში, ამასთან ერთ-ერთი შვილი რჩება კომლის მემკვიდრედ და მას ცალკე საკარმიდამო მიწის ნაკვეთი არ გამოეყოფა.

ერთშვილიანი კომლის შემთხვევაში საკარმიდამო მიწის ნაკვეთი ცალკე არ გამოიყოფა.

3. თუ კომლს მიწების აღრიცხვის ზონარგაყრილ წიგნში რეგისტრირებულ ფართობთან შედარებით აღმოაჩნდება მეტი საკარმიდამო მიწის ნაკვეთი, შესაბამისი კომისიების მიერ დადგენილ საკარმიდამო მიწის ზღვრულ ნორმამდე შევსების შემდეგ დარჩენილი მიწის ნაკვეთი გადადის სარეზერვო ფონდში.

4. თუ მიწის რეფორმის კომისია მიზანშეწონილად ჩათვლის არასასოფლოსამეურნეო დანიშნულების მიწებიდან (სახელმწიფო მიწის ფონდი, სახელმწიფო ტყის ფონდი, მრეწველობის, ტრანსპორტის, სპეცდანიშნულების და სხვა მიწები) საკარმიდამო ნაკვეთების გამოყოფას, საკითხი მისი არსებული წესით გამოყოფის შესახებ გადასაწყვეტად უნდა დაისვას ზემდგომ რესპუბლიკურ ორგანოებში.

5. საკარმიდამოდ გადაცემული მიწის ნაკვეთის ზედიზედ ორი წლის განვლობაში სასოფლო-სამეურნეო დანიშნულებით გამოუყენებლობისა და აუთვისებლობის შემთხვევაში ნაკვეთი კომლს ჩამოერთმევა სასამართლო წესით და გადაეცემა სარეზერვო მიწის ფონდში.

საქართველოს რესპუბლიკის
 პრემიერ-მინისტრის
 მოვალეობის შემსრულებელი

თ. სიგუა

საქართველოს რესპუბლიკის
 მინისტრთა კაბინეტის
 სახელმწიფო კანცელარიის
 მმართველის მოვალეობის
 შემსრულებელი

პ. ბერიძე

21 საქართველოს რესპუბლიკის ტერიტორიაზე საწარმოს (სამეურ- ნეო ამხანაგობისა და საზოგადოების), ფილიალის რეგისტრაც- ციის წესები ცვლილებათა შეთანხმებული შენახვა

საქართველოს რესპუბლიკაში საწარმოს (სამეურნეო ამხანაგობისა და საზოგადოების), ფილიალის რეგისტრაციის გამარტივების მიზნით და საქართველოს რესპუბლიკის მინისტრთა კაბინეტის ეკონომიკური რეფორმის სახელმწიფო კომისიის გაუქმების გამო საქართველოს რესპუბლიკის მინისტრთა კაბინეტი ადგენს:

გაუქმდეს საქართველოს რესპუბლიკის მთავრობის 1991 წლის 5 აპრილის № 261 დადგენილებით დამტკიცებული საქართველოს რესპუბლიკის ტერიტორიაზე საწარმოს (სამეურნეო ამხანაგობისა და საზოგადოების), ფილიალის რეგისტრაციის დროებითი დებულების მე-6, მე-10 და მე-11 მუხლები იმ ნაწილში, რომელიც ითვალისწინებს მეურნე სუბიექტის რეგისტრაციისათვის საქართველოს რესპუბლიკის მინისტრთა კაბინეტის ეკონომიკური რეფორმის კომისიის თანხმობას და თანხმობის დამადასტურებელი საბუთის წარდგენას.

საქართველოს რესპუბლიკის
პრემიერ-მინისტრის
მოვალეობის შემსრულებელი **თ. სიგუა**

საქართველოს რესპუბლიკის
მინისტრთა კაბინეტის
სახელმწიფო კანცელარიის
მმართველის მოვალეობის
შემსრულებელი **ბ. ბერიძე**

22 საქართველოს რესპუბლიკაში საგარეო ეკონომიკური ურთიერთობათა ნოვითან რეგულირების შესახებ

საქართველოს რესპუბლიკაში საგარეო ეკონომიკურ ურთიერთობათა ერთიანი კომპლექსის ჩამოყალიბების მიზნით საქართველოს რესპუბლიკის მინისტრთა კაბინეტი ადგენს:

1. გაუქმდეს საქართველოს რესპუბლიკის მინისტრთა კაბინეტთან არსებული სსრ კავშირის საგარეო ეკონომიკურ ურთიერთობათა სამინისტროს რწმუნებულის აპარატი.

2. საქართველოს რესპუბლიკის მინისტრთა კაბინეტთან არსებული სსრ კავშირის საგარეო ეკონომიკურ ურთიერთობათა სამინისტროს რწმუნებულის აპარატის ფუნქციები გადაეცეს საქართველოს რესპუბლიკის საგარეო საქმეთა სამინისტროს საგარეო ეკონომიკურ ურთიერთობათა მთავარ სამმართველოს. აღნიშნული აპარატის ქონება გადაეცეს ბალანსიდან ბალანსზე საქართველოს რესპუბლიკის საგარეო საქმეთა სამინისტროს.

3. გაუქმდეს სსრ კავშირის საგარეო ეკონომიკურ ურთიერთობათა სამინისტროს საექსპორტო ტვირთების კონტროლის ამერიკავკასიის ტერიტორიული სამმართველო. ჩამოყალიბდეს მის ბაზაზე რესპუბლიკის საექსპორტო და საიმპორტო ტვირთების კონტროლის ინსპექცია და დაექვემდებაროს იგი საქართველოს რესპუბლიკის საგარეო საქმეთა სამინისტროს.

4. საქართველოს რესპუბლიკის მთავრობასთან არსებული რესპუბლიკური საგარეო სავაჭრო გაერთიანება „საქიმპექსი“, იგივე დაქვემდებარების წესით, გადაეცეს საქართველოს რესპუბლიკის საგარეო საქმეთა სამინისტროს.

5. დევალოს საქართველოს რესპუბლიკის საგარეო საქმეთა სამინისტროს საგარეო ეკონომიკურ ურთიერთობათა მთავარ სამმართველოს ერთი კვირის ვადაში წარმოადგინოს წინადადებანი რესპუბლიკაში საგარეო ეკონომიკური საქმიანობის მკვეთრი ლიბერალიზაციის, საქონლის ექსპორტსა და იმპორტზე ლიცენზირებისა და კვოტირების ერთიანი წესის თაობაზე.

საქართველოს რესპუბლიკის
პრემიერ-მინისტრის
მოვალეობის შემსრულებელი

თ. სიგუა

საქართველოს რესპუბლიკის
მინისტრთა კაბინეტის
სახელმწიფო კანცელარიის
მმართველის მოვალეობის
შემსრულებელი

ბ. ბერიძე

23 სატრანსპორტო კომპლექსში ტარიფების მოწესრიგების შესახებ

ფასების ლიბერალიზაციასთან დაკავშირებით სატრანსპორტო კომპლექსში ტარიფების მოწესრიგების მიზნით საქართველოს რესპუბლიკის მინისტრთა კაბინეტი ადგენს:

1. რესპუბლიკის სატრანსპორტო კომპლექსში ერთიანი სატარიფო პოლიტიკის გასატარებლად შემოღებულ იქნეს ტვირთის გადაზიდვისა და მგზავრთა გადაყვანის ტარიფების დამტკიცებისა და რეგულირების შემდეგი წესი:

1.1. სახელმწიფოთაშორისი სარკინიგზო, სამდინარო, საზღვაო, საჰაერო და საავტომობილო ტრანსპორტით ტვირთის გადაზიდვისა და მგზავრთა გადაყვანის ტარიფები დვინდება სახელმწიფოთაშორისი მრავალმხრივი ან ორმხრივი შეთანხმების საფუძველზე და მტკიცდება საქართველოს რესპუბლიკის მინისტრთა კაბინეტის მიერ.

1.2. რესპუბლიკის ფარგლებში ყველა სახის ტრანსპორტით (გარდა კიდული ბაგირგზებისა) ტვირთის გადაზიდვისა და მგზავრთა გადაყვანის ტარიფებს ამტკიცებს საქართველოს რესპუბლიკის მინისტრთა კაბინეტი საქართველოს რესპუბლიკის ეკონომიკის სამინისტროს, საქართველოს რესპუბლიკის ფინანსთა სამინისტროსა და საქართველოს რესპუბლიკის ტრანსპორტის სამინისტროს წინადადებათა საფუძველზე.

1.3. საქართველოს რესპუბლიკის ტრანსპორტის სამინისტრო ამტკიცებს:

— სატრანსპორტო საქეპედციო მომსახურების ტარიფებს;

— კაბოტაჟური გადაზიდვების ტარიფებს;

— რესპუბლიკის ფარგლებში საზღვაო და სამდინარო ტრანსპორტით მგზავრთა გადაყვანის ტარიფებს;

— კიდული ბაგირგზებით მგზავრთა გადაყვანის ტარიფებს.

1.4. ნება დაერთოთ რესპუბლიკის ქალაქებისა და რაიონების ადგილობრივი მმართველობის ორგანოებს დააწესონ და არეგულირონ:

— საქალაქო (მიწისზედა) სამგზავრო ტრანსპორტზე (ავტობუსი, ტრამვაი, ტროლეიბუსი) ერთჯერადი მგზავრობის ღირებულება ამ დადგენილებების ნე-3 პუნქტით დამტკიცებული ტარიფების საფუძველზე;

— მგზავრობის ღირებულებიდან გამომდინარე ერთთვიური და შეღავათიანი ბილეთების ღირებულება.

მგზავრთა გადაყვანის დადგენილი ღირებულებებით მიწისზედა სამგზავრო ტრანსპორტისა და კიდული ბაგირგზების ზარალიანი მუშაობის პირობებში გამოიხონ მისი დაფარვის საშუალება.

2. დამტკიცდეს და შემოღებულ იქნეს სამოქმედოდ 1992 წლის 1 მარტიდან ქალაქ თბილისის მეტროპოლიტენით მგზავრობის ტარიფი — 60 კაპიკი.

3. დამტკიცდეს ავტოტრანსპორტით მგზავრთა გადაყვანის ზღვრული ტარიფები და მოქმედი ტარიფების მიმართ გამაღიღებელი კოეფიციენტები:

3.1. სახელმწიფოთაშორის მარშრუტებზე მაგარსავარძლიანი ავტობუსებისათვის გამადიდებელი კოეფიციენტი — 11, რბილსავარძლიანი ავტობუსებისათვის — 10, ექსპრესული რეჟიმით მიმოსვლისათვის — 20 პროცენტით მეტი.

3.2. საქალაქო, სავარეუბნო და საქალაქთაშორისო მიმოსვლის მაგარსავარძლიანი ავტობუსებითა და ელექტროტრანსპორტით მგზავრობის ერთი მგზავრკილომეტრის ღირებულება — 10 კაპიკი, რბილსავარძლიანი ავტობუსებით — 14 კაპიკი, ხოლო ექსპრესული რეჟიმით მიმოსვლისათვის — 20 პროცენტით მეტი.

3.3. მსუბუქი ტაქსებით მგზავრობის ღირებულება 1 კილომეტრი გარბენისათვის — 2 მანეთი, ჩაჯდომისათვის — 2 მანეთი, ხოლო 1 საათით ფასიანი ნოცდენისათვის — 20 მანეთი.

3.4. ცალკეული შეკვეთებით ავტობუსებითა და მსუბუქი ავტომობილებით მგზავრთა გადაყვანის, აგრეთვე საწარმოთა და ორგანიზაციათა მსუბუქი ავტომობილებით მომსახურებისათვის გამადიდებელი კოეფიციენტი — 4.

აღნიშნული ტარიფები და გამადიდებელი კოეფიციენტები (გარდა საქალაქო ავტობუსებისა და ელექტროტრანსპორტისა) შემოღებულ იქნეს 1992 წლის 1 თებერვლიდან, საქალაქო ავტობუსებისა და ელექტროტრანსპორტისა — 1992 წლის 15 თებერვლიდან.

4. დაწესდეს და 1992 წლის 15 თებერვლიდან შემოღებულ იქნეს მოქმედი ტარიფების მიმართ ზღვრული გამადიდებელი კოეფიციენტები:

- საავტომობილო ტრანსპორტით ტვირთის გადასაზიდად — 5;
- რკინიგზის ტრანსპორტით მგზავრთა ადგილობრივი მიმოსვლისათვის — 2, ხოლო შინარესპუბლიკური პირდაპირი მიმოსვლისათვის — 3,7;
- საქართველოს რესპუბლიკის ფარგლებში რკინიგზის ტრანსპორტით ტვირთის გადასაზიდად — 11,9;

— რკინიგზის ტრანსპორტით ტვირთის სახელმწიფოთაშორისი გადაზიდვისათვის — 8,3, ხოლო ამავე მიმოსვლით მგზავრთა გადასაყვანად — 3,7;

— საჰაერო ტრანსპორტით ტვირთისა და ბარგის გადაზიდვისა და მგზავრთა სახელმწიფოთაშორისი გადაყვანისათვის — 6, ხოლო რესპუბლიკის ფარგლებში — 2.

5. სატრანსპორტო ტარიფების მკვეთრი ზრდის თავიდან აცილებისა და საქალაქო ტრანსპორტის ნორმალური ფუნქციონირებისათვის საჭირო ეკონომიკური პირობების შესაქმნელად სატრანსპორტო საწარმოები, რომლებიც ახორციელებენ რესპუბლიკის ფარგლებში მგზავრთა გადაყვანას (გარდა ტაქსომოტორებისა), გაწეული მომსახურებისათვის განთავისუფლდნენ მომატებული ღირებულების გადასახადისაგან.

6. დაევალოს საქართველოს რესპუბლიკის შრომის, სოციალური დაცვისა და დემოგრაფიის სამინისტროს განსაზღვროს საქართველოს რესპუბლიკის ფინანსთა სამინისტროსთან შეთანხმებით იმ კატეგორიის მოქალაქეთა ნუსხა,



რომელთაც ენიჭებათ შედეგათიანი ტარიფებით მგზავრობის უფლება, და ერთი თვის ვადაში წარმოუდგინოს დასამტკიცებლად საქართველოს რესპუბლიკის მინისტრთა კაბინეტს.

7. საქართველოს რესპუბლიკის ტრანსპორტის სამინისტრომ უზრუნველყოს სამგზავრო ტრანსპორტის ამონაგების დანაკარგების წინააღმდეგ ბრძოლის სამეურნეო ანგარიშის პრინციპებზე მომუშავე სტრუქტურების განვითარება, ამავე მიზნით შეიმუშაოს და განახორციელოს ღონისძიებანი იჯარასა და საბაზრო ეკონომიკის პრინციპებზე სამგზავრო სატრანსპორტო საწარმოების საჩქაროდ ვადასაყვანად.

8. დარგის ნორმალური სამეურნეო საქმიანობის უზრუნველსაყოფად საქართველოს რესპუბლიკის ტრანსპორტის სამინისტრომ შექმნას საქართველოს რესპუბლიკის ფინანსთა სამინისტროსთან შეთანხმებით ფინანსური რეგულირების არასაბიუჯეტო ფონდი მისი საფინანსო სახსრების ფარგლებში.

საქართველოს რესპუბლიკის ტრანსპორტის სამინისტრომ დაადგინოს საქართველოს რესპუბლიკის ფინანსთა სამინისტროსთან შეთანხმებით არასაბიუჯეტო ფონდების შექმნისა და გამოყენების წესი.

9. ქალაქ თბილისის მეტროპოლიტენით მგზავრობა გადაყვანისათვის სოციალურად მისაღები ტარიფების შესანარჩუნებლად დაევალოს საქართველოს რესპუბლიკის ფინანსთა სამინისტროს განსაზღვროს საქართველოს რესპუბლიკის ტრანსპორტის სამინისტროს მიერ წარმოდგენილ გაანგარიშებათა საფუძველზე დოტაციის თანხის ოდენობა და უზრუნველყოს მისი დაფარვა რესპუბლიკის ბიუჯეტიდან.

10. ეთხოვოს საქართველოს რესპუბლიკის ეროვნულ ბანკს უზრუნველყოს საქალაქო სამგზავრო ტრანსპორტი, პირველ რიგში ქალაქ თბილისის მეტროპოლიტენი, სათანადო რაოდენობის მონეტებით (ხურდა ფულით) საქართველოს რესპუბლიკის ტრანსპორტის სამინისტროს განაცხადის საფუძველზე.

11. საქართველოს რესპუბლიკის ფინანსთა სამინისტრომ და საქართველოს რესპუბლიკის ეკონომიკის სამინისტრომ უზრუნველყონ საქართველოს რესპუბლიკის ტრანსპორტის სამინისტროს მიერ წარმოდგენილ გაანგარიშებათა საფუძველზე რესპუბლიკის ბიუჯეტიდან მოძრავი შემადგენლობის შექმნისა და საწარმოო დანიშნულების ობიექტების მშენებლობის დაფინანსება.

12. დაწესდეს, რომ ტრანსპორტით ტვირთის გადაზიდვის ყველა ტარიფი და მოსაკრებელი 1992 წლის პირველ კვარტალში ყოველთვიურად, შემდგომში კი ყოველკვარტალურად ინდექსირდება მოხმარებულ რესურსებზე ფასებისა და მუშაკთა შრომის ანაზღაურების ცვლილების გათვალისწინებით. მგზავრობა გადაყვანის ტარიფები ინდექსირდება ყოველკვარტალურად.

13. დაევალოს საქართველოს რესპუბლიკის ფინანსთა სამინისტროს გადაწყვიტოს საქართველოს რესპუბლიკის ტრანსპორტის სამინისტროს მიერ წარმოდგენილ გაანგარიშებათა საფუძველზე 1992 წლის 1 იანვრიდან ახალი ტარიფების ძალაში შესვლამდე სამგზავრო ტრანსპორტის ექსპლუატაციით მცდებული ზარალის რესპუბლიკის ბიუჯეტის ხარჯზე დაფარვის საკითხი.



14. საქართველოს რესპუბლიკის ტრანსპორტის სამინისტრომ 10 დღის ვადაში დაამუშაოს და წარუდგინოს დასამტკიცებლად საქართველოს რესპუბლიკის ეკონომიკის სამინისტროსა და საქართველოს რესპუბლიკის ფინანსთა სამინისტროს შესაბამისი პრეისკურანტები და მეტროპოლიტენით მგზავრობის ერთთვიანი ბილეთების ფასების პროექტები.

საქართველოს რესპუბლიკის
პრემიერ-მინისტრის
მოვალეობის შემსრულებელი **თ. სიგუა**

საქართველოს რესპუბლიკის
მინისტრთა კაბინეტის
სახელმწიფო კანცელარიის
მმართველის მოვალეობის
შემსრულებელი **ბ. ბერიძე**

ქ. თბილისი, 1992 წ. 14 თებერვალი, № 150

24 საქართველოს რესპუბლიკის სოფლისა და საბაჟო მეურნეობის სამინისტროს უწყისებები

საქართველოს რესპუბლიკის მინისტრთა კაბინეტი ადგენს:
გამოიყოს საქართველოს რესპუბლიკის სოფლისა და სატყეო მეურნეობის სამინისტროს დაქვემდებარებიდან სატყეო მეურნეობის რესპუბლიკური საწარმოო გაერთიანება „საქტყემეურნეობა“ და საქართველოს რესპუბლიკის სოფლისა და სატყეო მეურნეობის სამინისტროს ეწოდოს საქართველოს რესპუბლიკის სოფლის მეურნეობის სამინისტრო.

საქართველოს რესპუბლიკის
პრემიერ-მინისტრის
მოვალეობის შემსრულებელი **თ. სიგუა**

საქართველოს რესპუბლიკის
მინისტრთა კაბინეტის
სახელმწიფო კანცელარიის
მმართველის მოვალეობის
შემსრულებელი **ბ. ბერიძე**

ქ. თბილისი, 1992 წ. 14 თებერვალი, № 156

25 საქართველოს რესპუბლიკის ინფორმაციის სამინისტროს შპ. სახვა

მოქალაქეთა სიტყვისა და ინფორმაციის თავისუფლების პრაქტიკული რეალიზაციის, მასობრივი ინფორმაციის საშუალებათა და საგამომცემლო საქმიანობის დემონოპოლიზაციის, მათი თვისებრივად ახალი ფორმების დამკვიდრებისა და საბაზრო ეკონომიკაზე გადასვლის პროცესის დაჩქარების, ამ უმნიშვნელოვანესი სფეროს განვითარებისათვის ხელშეწყობის, პროფესიული და შემოქმედებითი ინტერესების დაცვის სახელმწიფო გარანტიებით უზრუნველყოფის და შესაბამისი კანონებისა და კონსტიტუციური ნორმების საფუძველზე სამართლებრივი კონტროლის განხორციელების მიზნით საქართველოს რესპუბლიკის მინისტრთა კაბინეტი ადგენს:

1. შეიქმნას საქართველოს რესპუბლიკის ინფორმაციის სამინისტრო, როგორც მასობრივი ინფორმაციის საშუალებათა და საგამომცემლობათა საქმიანობის რესპუბლიკური სახელმწიფო მმართველობისა და კოორდინაციის ორგანო.

გადაეცეს სამინისტროს დაქვემდებარებაში საქართველოს რესპუბლიკის ტელევიზიისა და რადიომაუწყებლობის დეპარტამენტი, ზეჰდვითი სიტყვის დეპარტამენტი, ეროვნული საინფორმაციო სააგენტო „საქართველო“ (საქინფორმი), რესპუბლიკური საგაზეთო-საჟურნალო საგამომცემლობა, საავტორო უფლებათა რესპუბლიკური სააგენტო, მასობრივი ინფორმაციის საშუალებებში სახელმწიფო საიდუმლოებათა დაცვის სააგენტო (მთავლიტი), პერიოდიკის ვაერცელების რესპუბლიკური სააგენტო (ყოფილი „სოიუზპეჩატი“) მათი საწარმოებით, დაწესებულებებითა და ორგანიზაციებითურთ.

აღნიშნული სამსახურების შემდგომი რეორგანიზაცია განხორციელდეს საქართველოს რესპუბლიკის ინფორმაციის სამინისტროს წარდგინებით.

2. საქართველოს რესპუბლიკის ინფორმაციის სამინისტროს ძირითად ამოცანად ჩაითვალოს:

— მოქალაქეთა სიტყვისა და ინფორმაციის თავისუფლების უზრუნველყოფა სამინისტროს კომპეტენციის ფარგლებში;

— საინფორმაციო და საგამომცემლო საქმიანობის თავისუფლების სამართლებრივი უზრუნველყოფის კონტროლი, მასობრივი ინფორმაციის საშუალებათა და საგამომცემლობათა მუშაობაში მოქალაქეთა კონსტიტუციური უფლებების დაცვა;

— ჟურნალისტთა, საგამომცემლო და ამ სფეროს სხვა მუშაკთა პროფესიული და სოციალური ინტერესების დაცვა;

— ჟურნალისტთა და საგამომცემლო ინიციატივის რეალიზაციისათვის, ახალი საწარმოო და სამართლებრივი ურთიერთობების დამკვიდრებისათვის, დარგის მატერიალურ-ტექნიკური ბაზის განმტკიცებისა და საკადრო პოლიტიკის სრულყოფისათვის ორგანიზაციული ხელშეწყობა;

— სახელმწიფოთა შორის საინფორმაციო გაცვლის და სხვა მიმართულებების სახელმწიფო საინფორმაციო პოლიტიკის მიზნობრივი პროგრამების შემუშავება და განხორციელება საქართველოს რესპუბლიკის პოლიტიკური, ეკონომიკური და სოციალური ინტერესებიდან გამომდინარე.

3. განსაზღვროს საქართველოს რესპუბლიკის ინფორმაციის სამინისტროს აპარატის მუშაკთა ზღვრული რიცხოვნობა სამინისტროს სტრუქტურისა და საშტატო განრიგის წარდგინების საფუძველზე.

საქართველოს რესპუბლიკის ფინანსთა სამინისტრომ განსაზღვროს საქართველოს რესპუბლიკის ინფორმაციის სამინისტროს აპარატის შესანახი ხარჯები წარდგენილი რიცხოვნობის გათვალისწინებით.

4. ნება დაერთოს საქართველოს რესპუბლიკის ინფორმაციის მინისტრს დამატაციოს სამინისტროს ცენტრალური აპარატის საშტატო განრიგი სამინისტროსათვის დადგენილი ზღვრული რიცხოვნობისა და შრომის ანაზღაურების ფონდის ფარგლებში.

5. საქართველოს რესპუბლიკის ინფორმაციის სამინისტრომ იყოლიოს მინისტრის ოთხი მოადგილე, მათ შორის ერთი პირველი მოადგილე.

განსაზღვროს სამინისტროს კოლეგია ცხრა კაცის შემადგენლობით.

6. საქართველოს რესპუბლიკის მინისტრთა კაბინეტის სახელმწიფო კანცელარიამ (გ. ბერიძე) გადაწყვიტოს საქართველოს რესპუბლიკის ინფორმაციის სამინისტროსათვის შესაბამისი სამუშაო ფართობის და სამსახურებრივი დანიშნულების მსუბუქი ავტომობილების გამოყოფის საკითხი.

7. საქართველოს რესპუბლიკის ინფორმაციის სამინისტრომ ორი თვის ვადაში წარმოადგინოს დასამტკიცებლად სამინისტროს დებულების პროექტი და თავისი საქმიანობის მარეგლამენტებელი სხვა ნორმატიული დოკუმენტები.

საქართველოს რესპუბლიკის
პრემიერ-მინისტრის
მოვალეობის შემსრულებელი

თ. სიგუა

საქართველოს რესპუბლიკის
მინისტრთა კაბინეტის
სახელმწიფო კანცელარიის
მმართველის მოვალეობის
შემსრულებელი

გ. ბერიძე

26 საქართველოს რესპუბლიკის სახელმწიფო საბაჟო დეპარტამენტის შემადგენელი

საქართველოს რესპუბლიკის ტერიტორიაზე მდებარე ყოფილი სსრ კავშირის საბაჟო ორგანოების ნაციონალიზაციის აუცილებლობიდან გამომდინარე საქართველოს რესპუბლიკის მინისტრთა კაბინეტი ადგენს:

1. გაუქმდეს ყოფილი სსრ კავშირის საბაჟო კომიტეტის საქართველოს სახელმწიფო საბაჟო კონტროლის სამმართველო, თბილისის, ბათუმის, ფოთის საბაჟოები და შეიქმნას მათ ბაზაზე საქართველოს რესპუბლიკის სახელმწიფო საბაჟო დეპარტამენტი, რომელსაც დაექვემდებაროს თბილისის, ბათუმისა და ფოთის საბაჟოები.

2. დაველოს საქართველოს რესპუბლიკის სახელმწიფო საბაჟო დეპარტამენტს:

— ერთი კვირის ვადაში წარმოადგინოს წინადადება საბაჟო დეპარტამენტის დებულებისა და სტრუქტურის შესახებ;

— განახორციელოს ღონისძიებანი ყოფილი სსრ კავშირის საბაჟო ორგანოების გასაუქმებლად და მათი მატერიალურ-ტექნიკური ბაზისა და ფულადი სახსრების გადასაცემად საქართველოს რესპუბლიკის საბაჟო ორგანოებისათვის.

3. საქართველოს რესპუბლიკის ფინანსთა სამინისტრომ წარმოადგინოს წინადადება საქართველოს რესპუბლიკის სახელმწიფო საბაჟო დეპარტამენტისა და მის სისტემაში შემავალი საბაჟო ორგანოების საშტატო განრიგისა და დაფინანსების შესახებ.

4. ნება დაერთოს საქართველოს რესპუბლიკის სახელმწიფო საბაჟო დეპარტამენტს ახალი ნორმატიული აქტების შემუშავებამდე იხელმძღვანელოს არსებული საბაჟო კანონმდებლობითა და საბაჟო წესებით.

საქართველოს რესპუბლიკის
პრემიერ-მინისტრის
მოვალეობის შემსრულებელი

თ. სიგუა

საქართველოს რესპუბლიკის
მინისტრთა კაბინეტის
სახელმწიფო კანცელარიის
მმართველის მოვალეობის
შემსრულებელი

ბ. ბერიძე

27 მეცნიერებისა და ტექნიკის დარგში სახელმწიფო პრემიების მიწოდების ვადის გადართანის შესახებ

საქართველოს რესპუბლიკის მინისტრთა კაბინეტი ადგენს:

1991 წლის მეორე ნახევარსა და 1992 წლის იანვარში რესპუბლიკაში შექმნილ დაძაბულ საზოგადოებრივ-პოლიტიკურ ვითარებასთან დაკავშირებით მიღებულ იქნეს საქართველოს რესპუბლიკის მთავრობასთან არსებული საქართველოს მეცნიერებისა და ტექნიკის დარგის სახელმწიფო პრემიების კომიტეტის წინადადება იმის შესახებ, რომ 1992 წლის პრემიების მისანიჭებელი კონკურსი, როგორც გამონაკლისი, ჩატარდეს 1993 წელს. ამასთან შემდგომი კონკურსი მოეწყოს დადგენილი რიგის მიხედვით — 1994 წელს.

საქართველოს რესპუბლიკის
 პრემიერ-მინისტრის
 მოვალეობის შემსრულებელი

თ. სიგუა

საქართველოს რესპუბლიკის
 მინისტრთა კაბინეტის
 სახელმწიფო კანცელარიის
 მმართველის მოვალეობის
 შემსრულებელი

ბ. ბერიძე

28 საქართველოს რესპუბლიკის მინისტრთა კაბინეტის 1991 წლის
6 დეკემბრის № 914 დადგენილების მე-5 პუნქტის ძალადაკარგ-
ბულად ჩათვლის შესახებ

საქართველოს რესპუბლიკის მინისტრთა კაბინეტი ადგენს:

მიღებულ იქნეს საქართველოს რესპუბლიკის მიწის რესურსებისა და მიწის რეფორმის სახელმწიფო კომიტეტის წინადადება და საქართველოს რესპუბლიკის მინისტრთა კაბინეტის 1992 წლის 18 იანვრის № 48 და 6 თებერვლის № 128 დადგენილებათა გამოსვლასთან დაკავშირებით ძალადაკარგულად ჩაითვალოს „რესპუბლიკაში მიწის კანონმდებლობისა და ინდივიდუალური ბინათმშენებლობის წესების უხეშ დარღვევათა აღკვეთის შესახებ“ საქართველოს რესპუბლიკის მინისტრთა კაბინეტის 1991 წლის 6 დეკემბრის № 914 დადგენილების მე-5 პუნქტი.

საქართველოს რესპუბლიკის
პრემიერ-მინისტრის
მოვალეობის შემსრულებელი

თ. სიგუა

საქართველოს რესპუბლიკის
მინისტრთა კაბინეტის
სახელმწიფო კანცელარიის
მმართველის მოვალეობის
შემსრულებელი

ბ. ბერიძე

29 საქართველოს რესპუბლიკის მინისტრთა კაბინეტის 1991 წლის
11 ნოემბრის № 849 დადგენილების ნაწილობრივ შეცვლის შე-
სახეზ

საქართველოს რესპუბლიკის მინისტრთა კაბინეტი ადგენს:

ნაწილობრივ შეიცვალოს „საქართველოს რესპუბლიკის ტერიტორიაზე საბაჟოების გავლით სატრანზიტო გადაზიდვებისა და რეექსპორტის განხორციელებისას დამატებითი დანახარჯების ანაზღაურების წესის შესახებ“ საქართველოს რესპუბლიკის მინისტრთა კაბინეტის 1991 წლის 11 ნოემბრის № 849 დადგენილება და სახელმწიფო ტვირთების სატრანზიტო გადაზიდვის გადასახადისაგან განთავისუფლდნენ მუზობელი აზერბაიჯანისა და სომხეთის რესპუბლიკები.

საქართველოს რესპუბლიკის
პრემიერ-მინისტრის
მოვალეობის შემსრულებელი

თ. სიგუა

საქართველოს რესპუბლიკის
მინისტრთა კაბინეტის
სახელმწიფო კანცელარიის
მმართველის მოვალეობის
შემსრულებელი

გ. პერიძე



30 საქართველოს რესპუბლიკის სპორტისა და ტურიზმის სამინისტროს რესპუბლიკური სახელმწიფო კორპორაცია „ინტერსპორტ-ლოტოს“ შექმნის შესახებ

„საქართველოს რესპუბლიკის ტერიტორიაზე განლაგებული საკაეშრო და საკაეშრო-რესპუბლიკური დაქვემდებარების საწარმოების, დაწესებულებებისა და ორგანიზაციების სტატუსის შესახებ“ საქართველოს რესპუბლიკის უზენაესი საბჭოს 1991 წლის 15 სექტემბრის დადგენილების შესაბამისად საქართველოს რესპუბლიკის მინისტრთა კაბინეტი ა დ გ ე ნ ს:

1. ყოფილი სსრ კავშირის ფიზიკური კულტურისა და სპორტის სახელმწიფო კომიტეტის გაერთიანება „სოიუზსპორტლოტოს“ სპორტული ლატარიების საქართველოს რესპუბლიკური საწარმოს ბაზაზე შეიქმნას საქართველოს რესპუბლიკის სპორტისა და ტურიზმის სამინისტროს რესპუბლიკური სახელმწიფო კორპორაცია „ინტერსპორტლოტო“ ანუ საქართველოს რესპუბლიკის სახელმწიფო კორპორაცია „ინტერსპორტლოტო“ (შემდგომში „ინტერსპორტლოტო“) და დამტკიცდეს მისი წესდება (თან ერთვის).

2. დაველოს „ინტერსპორტლოტოს“ რესპუბლიკაში სპორტული ლატარიების სხვადასხვა ფორმების ფართოდ დანერგვა, მისი ჩატარება და ბილეთების რეალიზაცია, კოორდინაციის გაწევა სხვა ორგანიზაციებისათვის, რომლებიც ჩატარებენ ანალოგიურ სპორტულ ლატარიებს.

დაწესდეს, რომ მას ყოველნაირად უწყობენ ხელს რესპუბლიკის როგორც სახელმწიფო, ისე საზოგადოებრივი ორგანიზაციები და მისი იურისდიქცია ვრცელდება საქართველოს მთელ ტერიტორიაზე არსებულ წარმოებათა შენარჩუნებით.

3. „ინტერსპორტლოტო“ თავის ურთიერთობას სუვერენულ სახელმწიფოთა მიერ შექმნილ სპორტული ლატარიების ასოციაცია „სპორტლოტოსთან“ აგებს სახელშეკრულებო საწყისებზე, თანახმად საქართველოს რესპუბლიკის უზენაესი საბჭოს აღნიშნული დადგენილების მესამე პუნქტის შესაბამისად.

„ინტერსპორტლოტოს“ ნება ეძლევა ითანამშრომლოს უცხოეთის „ინტერტოტოს“ ორგანიზაციებთან, აგრეთვე სხვა გაერთიანებებთან, ფორმებთან და სხვ. მიღებული მოგების გარკვეული ნაწილი (35 პროცენტი), არსებული წესის თანახმად ერიცხება რესპუბლიკის ბიუჯეტს მოსახლეობის სოციალურ და ეკონომიკურ მოთხოვნილებათა დასაკმაყოფილებლად, აგრეთვე საქართველოს რესპუბლიკის სპორტისა და ტურიზმის სამინისტროს (30 პროცენტამდე) რესპუბლიკის მოსახლეობის ფიზიკურად გაჯანსაღებისათვის და ასოციაცია „სპორტლოტოს“.

დარჩენილი ნაწილი ხმარდება ლატარიების ჩატარებისა და ორგანიზაციის საქმეს. „ინტერსპორტლოტოს“ მრავალდარგობრივ საქმიანობას.

დამატებითი ტირაჟების ჩატარების დროს მოგების პროცენტები განაწილდება „ინტერსპორტლოტოს“, საქართველოს რესპუბლიკის სპორტისა და ტურიზმის სამინისტროსა და სხვა მონაწილე ორგანიზაციებს შორის, ყველა შემ-

თხვევაში რესპუბლიკის ბიუჯეტს ერიცხება არსებული წესის მიხედვით გარკვეული პროცენტი.

4. დაევალოს საქართველოს რესპუბლიკის სპორტისა და ტურიზმის სამინისტროს, „ინტერსპორტლოტოს“ საქართველოს რესპუბლიკის ფინანსთა სამინისტროსთან ერთად 1992 წლიდან შეიმუშაონ ქართული სპორტლოტოსა და სპორტპროგრამის გათამაშების ჩატარების წესები, მისი მატერიალურ-ტექნიკური უზრუნველყოფის საკითხები.

5. დაევალოს საქართველოს რესპუბლიკის ყველა ადგილობრივი მმართველობის ორგანოთა ხელმძღვანელებს საჭირო დახმარება აღმოუჩინონ „ინტერსპორტლოტოს“ საინფორმაციო სარეალიზაციო ცენტრებისათვის, ჯიხურებისათვის, ფარულეებისათვის საჭირო ფართობის გამოყოფისა და გარე ვაჭრობის წარმოებაში.

6. საქართველოს რესპუბლიკის კავშირგაბმულობის სამინისტრომ, საქართველოს ეროვნულმა ბანკმა, საგარეო ეკონომიკური საქმიანობის საქართველოს რესპუბლიკურმა ბანკმა და რესპუბლიკის სახელმწიფო კომერციულმა შემნახველმა ბანკმა დახმარება გაუწიონ „ინტერსპორტლოტოს“ სპორტული ლატარიების ჩატარებასთან დაკავშირებული ყველა ოპერაციის შეუფერხებლად წარმოებაში.

საქართველოს რესპუბლიკის
პრემიერ-მინისტრის
მოვალეობის შემსრულებელი

თ. სიგუა

საქართველოს რესპუბლიკის
მინისტრთა კაბინეტის
სახელმწიფო კანცელარიის
მმართველის მოვალეობის
შემსრულებელი

გ. ბერიძე

დამტკიცებულია
საქართველოს რესპუბლიკის მინისტრთა
კაბინეტის 1992 წლის 19 თებერვლის
№ 192 დადგენილებით

საქართველოს რესპუბლიკის სპორტისა და ტურიზმის სამინისტროს
რესპუბლიკური სახელმწიფო კორპორაცია „ინტერსპორტლოტოს“

წესდება

საქართველოს რესპუბლიკის სპორტისა და ტურიზმის სამინისტროს რესპუბლიკური სახელმწიფო კორპორაცია „ინტერსპორტლოტო“ (შემდგომში „ინტერსპორტლოტო“) არის თვითდაფინანსებაზე შექმნილი ორგანიზაცია, რომელიც მოქმედებს სრულ სამეურნეო ანგარიშზე.

„ინტერსპორტლოტო“ თავის ურთიერთობას აკებს სუვერენულ სახელმწიფოთა მიერ შექმნილი სპორტული ლატარიების ასოციაცია „სპორტლოტოსთან“ და სხვა ორგანიზაციებთან სახელმეკრულებო საწყისებზე საქართველოს რესპუბლიკის უზენაესი საბჭოს 1991 წლის 15 სექტემბრის დადგენილების შესაბამისად.

1. „ინტერსპორტლოტოს“ საქმიანობის მიზანია რესპუბლიკაში სპორტული ლატარიების სხვადასხვა ფორმის ფართოდ დაწერვა. იგი წარმართავს საქართველოში ყველა სახის სპორტული ლატარიების ჩატარების, ორგანიზაციისა და ბილეთების რეალიზაციის საქმეს; კოორდინაციას უწევს რესპუბლიკის სხვა ორგანიზაციების მიერ ანალოგიური სახის ლატარიების ჩატარებას.

მას ყველანაირად უწყობენ ხელს რესპუბლიკის როგორც სახელმწიფო, ისე საზოგადოებრივი ორგანიზაციები.

მისი იურისდიქცია ვრცელდება საქართველოს მთელ ტერიტორიაზე და ხელმძღვანელობს ავტონომიურ რესპუბლიკებში, ქალაქებსა და რაიონებში არსებულ სპორტლოტოს სამმართველოებს და განყოფილებებს.

„ინტერსპორტლოტოს“ მიერ მიღებული მოგების გარკვეული ნაწილი არსებული წესის თანახმად ერიცხება რესპუბლიკის ბიუჯეტს მოსახლეობის სოციალურ და ეკონომიკურ მოთხოვნილებათა დასაკმაყოფილებლად, აგრეთვე საქართველოს რესპუბლიკის სპორტისა და ტურიზმის სამინისტროს რესპუბლიკის მოსახლეობის ფიზიკურად გაჯანსაღებისათვის და ასოციაცია „სპორტლოტოს“.

დარჩენილი ნაწილი ხმარდება ლატარიების ჩატარებისა და ორგანიზაციის საქმეს, „ინტერსპორტლოტოს“ მრავალდარგობრივ საქმიანობას.

2. „ინტერსპორტლოტოს“ ამოცანაა:

— მოწყოს რესპუბლიკის მთელ ტერიტორიაზე სხვადასხვა სახის სპორტული ლატარიების გათამაშებანი (ფულად-ნივთობრივი, სპორტლოტო, სპრინტი, სუპერსპრინტი, სპორტპროგნოზი და სხვ.);

— შეისწავლოს რესპუბლიკის მოსახლეობის მოთხოვნილება ლატარიის ბილეთებზე და უზრუნველყოს მისი დაკმაყოფილება;

— შეიმუშაოს „სპორტლოტოს“ განვითარების მიმართულენიანი და პენსიების პეტიციები;

— სპორტული ლატარიების რეალიზაციის უზრუნველსაყოფად განავითაროს სარეკლამო საქმიანობა;

— უზრუნველყოს ბილეთების დამუშავება ტირაჟების მიხედვით, ტირაჟის ჩატარებამდე და ჩატარების შემდეგ;

— მოამზადოს და დაავაზნოს შემნახველი ბანკის განყოფილებებში ყოველი ტირაჟის ოფიციალური ცხრილები;

— მიიღოს ზომები მოგებულ ლატარიების ასანახლარებლად;

— შეისწავლოს და ფართოდ დანერგოს სხვა ქვეყნების მოწინავე გამოცდილება;

3. „ინტერსპორტლოტო“ არის იურიდიული პირი, აქვს დამოუკიდებელი ბალანსი, საანგარიშსწორებო ანგარიში ბანკში, ბეჭედი ორგანიზაციის დასახელებით, ტიტული და ემბლემა.

4. „ინტერსპორტლოტო“ მოქმედებს საქართველოს რესპუბლიკის კანონებისა და თავისი წესდების შესაბამისად.

5. „ინტერსპორტლოტო“ საკუთარი ძალებით გეგმავს თავისი კოლექტივის სოციალურ და სამეურნეო განვითარებას და მიმართულებებს, აუმჯობესებს მის მატერიალურ-ტექნიკურ ბაზას, მუშაკების ცხოვრების პირობებს.

6. „ინტერსპორტლოტო“ უფლება აქვს:

— დადოს სამეურნეო ხელშეკრულებანი;

— გამოიყენოს მის მფლობელობაში არსებული ძირითადი ფონდები და ამონაგები ფინანსური საშუალებანი;

— შექმნას წარმოებები, გაერთიანებები, კოოპერატივები და ერთობლივი საწარმოები, საფირმო მალაზიები მოქმედი კანონმდებლობის შესაბამისად, აგრეთვე ბანკისა და შემნახველი ბანკის განყოფილებები;

— საზღვარგარეთის ქვეყნებთან უცხოური ვალუტის მოზიდვის მიზნით განამტკიცოს მათთან საქმიანი კავშირები, ითანამშრომლოს, ვაცვალოს დელეგაციები, განახორციელოს უცხოელ პარტნიორებთან ერთობლივი სამეურნეო საქმიანობა, შექმნას ერთობლივი და შერეული საწარმოები, ასოციაციები, კონცერნები, ფირმები და საშუამავლო ორგანიზაციები;

— კონტრაქტით დანიშნოს საწარმოების ხელმძღვანელები;

— ერთობლივ საწარმოებთან, გაერთიანებებთან და კოოპერატივებთან ერთად ავგარებს სახალხო მოხმარების საქონლის გამოშვებას „ინტერსპორტლოტოს“ სიმბოლიკით და მის რეალიზაციას;

— შეიძინოს სახელმწიფო, კოოპერაციული და საზოგადოებრივი ორგანიზაციებისაგან, ცალკეული მოქალაქეებისაგან საცალო და საბითუმო ვაჭრობით თავისი საქირიებისათვის და ტირაჟების ჩასატარებლად, როგორც ნაღდი, ისე უნაღდო ანგარიშსწორებით, აგრეთვე კომერციულ ფასებში სპორტული ან სახალხო მოხმარების საგნები, ნედლეული და სხვა მასალები, სატრანსპორტო საშუალებები, რადიოაპარატურა, მოწყობილობა, დანადგარები და სხვ.;

— ვასწიოს ქველმოქმედება ეროვნული სპორტის, ცალკეული გუნდებისა და სპორტსმენებისადმი, ინვალიდი სპორტსმენებისადმი დახმარების მიზნით.

8. „ინტერსპორტლოტოს“ საქმიანობას ხელმძღვანელობს და ორგანიზაციას უწევს პრეზიდენტი, რომელსაც ირჩევს 5 წლის ვადით კოლექტივის საერთო კრება დახურული ან ღია კენჭისყრით (თვით კრება განსაზღვრავს).

9. „ინტერსპორტლოტოს“ პრეზიდენტი:

— პერსონალურად არის პასუხისმგებელი „ინტერსპორტლოტოს“ მუშაობის შედეგებზე;

— ანაწილებს ფუნქციებს თავის მოადგილეთა (დირექტორთა) შორის და კოორდინაციას უწევს მათ საქმიანობას, განსაზღვრავს მოადგილეთა (დირექტორთა) სხვა სტრუქტურული ქვედანაყოფების ხელმძღვანელთა პასუხისმგებლობას „ინტერსპორტლოტოს“ საქმიანობის ცალკეული დარგებისა და უბნების ხელმძღვანელობისათვის და აგრეთვე კორპორაციის სისტემის ორგანიზაციების, დაწესებულებების, საწარმოებისა და სხვათა მუშაობისათვის;

— თავისი კომპეტენციის ფარგლებში გამოსცემს ბრძანებებს, ათავისუფლებს და იღებს სამუშაოდ მუშაკებს, განსაზღვრავს მის რაოდენობას და თანამშრომელთა უფლება-მოვალეობას, უზრუნველყოფს შრომითი კანონმდებლობისა და დისციპლინის დაცვას;

— „ინტერსპორტლოტოს“ სახელით წარდგება რესპუბლიკისა და საზღვარგარეთის დაწესებულებებთან, დებს ხელშეკრულებებს, აძლევს რწმუნებებსა და მინდობილობებს, ხსნის ბანკში სხვადასხვა სახის ანგარიშებს;

— უზრუნველყოფს „ინტერსპორტლოტოს“ და მასში შემავალი სამართველოებისა და ორგანიზაციების თანამშრომელთა შრომის ანაზღაურებას არსებული კანონის შესაბამისად ან შრომითი ხელშეკრულებით;

— საერთო კრების გადაწყვეტილებით (რეკომენდაციით) სოციალური განვითარებისა და მატერიალური სტიმულირების არსებული ფონდიდან აწესებს დამატებით ანაზღაურებას, პრემიებს, დახმარებას და სხვ., ქმნის საპრეზიდენტო ფონდს;

— საჭიროების შემთხვევაში აყალიბებს საბჭოს, რომელიც მონაწილეობს „ინტერსპორტლოტოს“ საქმიანობის მიმართულებათა პერსპექტივების შემუშავებასა და სამეურნეო და ორგანიზაციული საკითხების გადაწყვეტაში;

— ინტერსპორტლოტოს“ და მის გამგებლობაში მყოფი ორგანიზაციების საფინანსო-სამეურნეო საქმიანობის სისტემატური კონტროლისა და შემოწმების მიზნით იკმენბა სარევიზიო-მაკონტროლებელი ჯგუფი, რომელსაც ირჩევს საერთო კრება.

10. „ინტერსპორტლოტოს“ რესპუბლიკაში მოქმედი კანონმდებლობის შესაბამისად აბანდებს ფულს და ფასიან ქალაღდებს საქართველოს ეროვნულ ბანკში ან სხვა ბანკებში, აწარმოებს საბანკო ოპერაციებს.

11. „ინტერსპორტლოტოს“ თავის საქმიანობას წყვეტს კანონის მიერ დაწესებული ნორმებით.



31 საქართველოს რესპუბლიკის ეკოლოგიისა და ზუნებათსარგებლო ლოვის სამინისტროს სახელწოდების შეცვლის შესახებ

საქართველოს რესპუბლიკის მინისტრთა კაბინეტი ადგენს:
მიღებულ იქნეს საქართველოს რესპუბლიკის ეკოლოგიისა და ზუნებათ-სარგებლობის სამინისტროს წინადადება და ეწოდოს მას „საქართველოს რეს-პუბლიკის გარემოს დაცვის სამინისტრო“.

საქართველოს რესპუბლიკის
პრემიერ-მინისტრის
მოვალეობის შემსრულებელი

თ. სიგუა

საქართველოს რესპუბლიკის
მინისტრთა კაბინეტის
სახელმწიფო კანცელარიის
მმართველის მოვალეობის
შემსრულებელი

გ. ბერიძე

ქ. თბილისი, 1992 წ. 24 თებერვალი, № 209

32 კოლხეთის სახელმწიფო საზღვაო ნაკრძალებისა და მდინარე რიონის სახელმწიფო აღკვეთილის შექმნის შესახებ

საქართველოს რესპუბლიკის მინისტრთა კაბინეტი აღნიშნავს, რომ საქარ-ველოს საზღვრებში, შავი ზღვის შეღვის ზონა ათასამდე კვადრატულ კი-ლომეტრს შეადგენს, რომლის გამტკნარებას ახდენენ მდინარეები: ჭოროხი, სუფსა, რიონი, ენგური, კოდორი, ზზიფი და სხვა მცირე მდინარეები. მათ მიერ გამოტანილი ბიოგენები და ჩამოყალიბებული მძლავრი მტკნარი წყლის და შავი ზღვის ჰიდროფორონტი ინტენსიური პროდუქციული პროცესებისა-ცვის ხელსაყრელ პირობებს ქმნის. წყლის ამ აკვატორიაში თავს იყრის სვია, აზოვისა და შავი ზღვის ზუთხი, ატლანტური ზუთხი (ფორონჯი), შავი ზღვის ორაგული, კამბალა, კუზანულები, ქაფშია (ხამსა) და სხვა ჯიშის თევზები.

ატლანტური ზუთხის ზღვაში ინტენსიურმა მოპოვებამ, შავ ზღვაში ჩამ-დინარე მდინარეების კაშხალებით დარეგულირებამ, სამრეწველო ნარჩენებით ვაზინძურებამ და სატოფე ადგილების მოშლამ აფხაზეთისა და კოლხეთის მდინარეებში კატასტროფულად შეამცირა ამ სახეობის პოპულაცია და ერთ დროს თავისი სიმრავლით და მაწიერებით სახელგანთქმული ატლანტური ზუთხი (ფორონჯი) საქართველოს „წითელ წიგნშია“ შეტანილი, როგორც იშვიათი და გალანდების ზღვარზე მყოფი სახეობა.



ზღვის თევზის მეურნეობისა და ოკეანოგრაფიის სამხრეთის სამეცნიერო-კვლევითი ინსტიტუტის საქართველოს განყოფილების მონაცემებით ზუთხისებრთა ოჯახის რაოდენობა კატასტროფულად შემცირდა, მაგრამ მიუხედავად ამისა ატლანტური ზუთხის პოპულაციის ამჟამად არსებული რაოდენობა საკმარისია მათი კვლავწარმოებისათვის.

მდინარე რიონის ატლანტური ზუთხის უკანასკნელი პოპულაციის შენარჩუნების მიზნით საქართველოს მთავრობის თხოვნით ყოფილი სსრ კავშირის თევზის მეურნეობის სამინისტრომ 1975 წლის 10 აგვისტოს გამოცა ბრძანება შავი ზღვის სანაპირო ზოლში (5 მილი) ქალაქ ფოთიდან ოჩამჩირემდე თევზის ყოველგვარი რეწვის აკრძალვის თაობაზე, მაგრამ ამავე სამინისტრომ შემდგომი მითითებით შავი ზღვის ამავე სანაპირო ზოლში დაუშვა ქაფშიის (ხამსის) რეწვის უფლება, რამაც პრაქტიკულად არარაობამდე დაიყვანა ატლანტური ზუთხის რიონის პოპულაციის შენარჩუნების მიზნით განხორციელებული ღონისძიებები, ვინაიდან სარეწი გემების ფლოტილია (200 თევზსაჭერი გემი) ყოველწლიურად ეწევა აკრძალულ ზონაში ქაფშიის მოპოვებას. რეწვის დროს ქაფშიასთან ერთად ადვილად იჭერენ ატლანტური ზუთხის მოზარდის მნიშვნელოვან ნაწილს.

ატლანტური ზუთხის (ფორონჯის) გენოფონდის გადარჩენისა და ბუნებრივ ვარემოში მისი კვლავწარმოების მიზნით საქართველოს რესპუბლიკის მინისტრთა კაბინეტი ადგენს:

1. მიღებულ იქნეს საქართველოს რესპუბლიკის ეკოლოგიისა და ბუნებათსარგებლობის სამინისტროს, „საქშავზღვათევზმშენის“ სამმართველოს და ზღვის თევზის მეურნეობისა და ოკეანოგრაფიის სამხრეთის სამეცნიერო-კვლევითი ინსტიტუტის საქართველოს განყოფილების წინადადება და შეიქმნას კოლხეთის საზღვაო სახელმწიფო ნაკრძალი და მდინარე რიონის სახელმწიფო აღკვეთილი.

2. კოლხეთის სახელმწიფო საზღვაო ნაკრძალის ტერიტორია განისაზღვროს ქალაქების ფოთი-ოჩამჩირის საზღვაო მონაკვეთის ფარგლებში, სიგანეში 5 მილით ზღვის ნაპირიდან და შემოიფარგლოს 60-მეტრიანი იზობატით, ხოლო ფოთი-ანაკლიის უბანზე — 120-მეტრიანი იზობატით.

3. რიონის სამდინარო სახელმწიფო აღკვეთილის ტერიტორია განისაზღვროს მდინარე რიონის შესართავიდან ქალაქ სამტრედიამდე მისი შენაკადის მდინარე ცხენისწყლის კალაპოტის მთელს სიგრძეზე.

4. დაევალოს „საქშავზღვათევზმშენის“ სამმართველოს:

— ნატურაში გამიჯნოს კოლხეთის სახელმწიფო საზღვაო ნაკრძალის საზღვრები;

— ერთი თვის ვადაში საქართველოს რესპუბლიკის მინისტრთა კაბინეტს განსახილველად წარმოუდგინოს კოლხეთის სახელმწიფო საზღვაო ნაკრძალისა და მდინარე რიონის აღკვეთილის დებულება, საშტატო განრიგი და შენახვის ხარჯები;

— მიაღწიოს რიონის თევზსაშენი ქარხნის სრული დატვირთვით გამოყენებას პირდაპირი მიზნობრივი დანიშნულებით ატლანტური ზუთხის (ფორონჯის) სახეობის კვლავწარმოების მიზნით.

5. რიონის სამდინარო სახელმწიფო აღკვეთილის და კოლხეთის საზღვაო ნაკრძალის დაცვა დებულების დამტკიცების შემდეგ დაევალოს „საქსაეზღვაო-თევზმშენის“ სამმართველოს.

6. დაევალოს ზღვის თევზის მეურნეობისა და ოკეანოგრაფიის სამხრეთის სამეცნიერო-კვლევითი ინსტიტუტის საქართველოს განყოფილებას განახორციელოს ამ რეგიონში სამეცნიერო-კვლევითი სამუშაოების მიმდინარეობაზე ზედამხედველობა ატლანტური ზუთხის (ფორონჯის) შენარჩუნებისა და აღწარმოების მიზნით.

7. ამ დადგენილების მიღების დღიდან კოლხეთის სახელმწიფო საზღვაო ნაკრძალის მთელ ტერიტორიაზე აიკრძალოს ყოველგვარი თევზჭერა (მათ შორის ქაფშიას).

საქართველოს რესპუბლიკის
პრემიერ-მინისტრის
მოვალეობის შემსრულებელი

თ. სიგუა

საქართველოს რესპუბლიკის
მინისტრთა კაბინეტის
სახელმწიფო კანცელარიის
მმართველის მოვალეობის
შემსრულებელი

ბ. ბერიძე

33 სახელმწიფო საწარმო — ფირმა „საქწყალმშენის“ შესახებ

საქართველოს რესპუბლიკის მინისტრთა კაბინეტი აღნიშნავს, რომ რესპუბლიკაში სამელორაციო და წყალსამეურნეო დანიშნულების ობიექტების მშენებლობის შემდგომი განვითარებისათვის მიზანშეწონილია დამოუკიდებელი მძლავრი საწარმოო ბაზებით, ტექნიკითა და მაღალი კვალიფიკაციის კადრებით დაკომპლექტებული ორგანიზაციის ფუნქციონირება, რომელიც მოწოდებული იქნება შეასრულოს როგორც სამელორაციო და წყალსამეურნეო, ასევე სოციალური ინფრასტრუქტურისა და სხვა დანიშნულების ობიექტების მშენებლობა.

აღნიშნულიდან გამომდინარე საქართველოს რესპუბლიკის მინისტრთა კაბინეტი ადგენს:

1. საქართველოს რესპუბლიკის სოფლის მეურნეობის სამინისტროს რესპუბლიკურ საწარმოო გაერთიანება „საქწყალმეურნეობას“ გამოეყოს ყოფილი სპეციალიზებული სამშენებლო გაერთიანება „საქწყალმშენის“ ორგანიზაციები და საწარმოები და მათ ბაზაზე შეიქმნას დამოუკიდებელი სახელმწიფო საწარმო — ფირმა „საქწყალმშენი“.

2. ფირმა „საქწყალმშენი“ ერთი თვის ვადაში წარმოუდგინოს საქართველოს რესპუბლიკის მინისტრთა კაბინეტს დასამტკიცებლად დამოუკიდებელი სახელმწიფო საწარმოს — ფირმა „საქწყალმშენის“ წესდება და სტრუქტურა.

საქართველოს რესპუბლიკის
 პრემიერ-მინისტრის
 მოვალეობის შემსრულებელი

თ. სიკიშა

საქართველოს რესპუბლიკის
 მინისტრთა კაბინეტის
 სახელმწიფო კანცელარიის
 მმართველის მოვალეობის
 შემსრულებელი

ბ. ზერიძე



СОБРАНИЕ ПОСТАНОВЛЕНИЙ КАБИНЕТА МИНИСТРОВ
РЕСПУБЛИКИ ГРУЗИЯ

№ 1, 1992 წელი

გამომცემელი: საქართველოს რესპუბლიკის მთავრობის სახელმწიფო კანცელარია

ხელმოწერილია დასაბეჭდად 27/V-92 წ. ქალაქის ზომა 70×108₁/16,
საბეჭდი თაბახი 3, სააღრიცხვო თაბახი 3.

წლიური ხელმოწერას ფასი 3 მან.